


臺灣府誌

ル 4
1539
1



明
凡34
號
1399
卷
1



續脩臺灣府志序
蓋聞人以地傳地以人傳
而志亦猶是也聞之臺灣
為東南環海之區自昔為
逋逃藪故事多荒畧其地
亦莫可考自康熙癸亥歲
歸入版圖數十載生聚教

臺灣府志
海子

養日就蕃昌凡土地人民
政事自不可以無志前高
觀察劉副使及給事侍御
六范諸君子採集舊聞旁
搜衆紀薈萃成編固已綱
舉目張燦若列眉矣然或
所見異詞所聞異詞所傳

聞又異詞大都偶焉涉歷
留心勝槩公餘之暇纂述
蒐輯以備記載猶未樂觀
其備也中丞余公以乾
隆庚辰出守茲郡往返八
歷重洋凡山川之險夷水
土之美惡物產之盈縮風

氣之異同疆索之袤廣習
俗之淳漓遠自殊族蕃黎
下及兵民蔀屋罔勿心識
手定勒爲成書集新舊志
而增損之爲類十二爲卷
二十有六祛泛濫要不漏
不支綜覈詳明信今傳後

望主洋洋乎蔚爲瀛島巨觀矣
甲午冬屬序於予維予與
公共事閩中先後廿餘年
同寅協恭凡遇政刑體要
靡不和衷商確以求其是
瞭而於臺灣重地尤爲留意
體察共期綏靖救寧相與

以有成我
朝掃除鄭逆以還重熙累洽
百年來海隅日出罔不率
俾迄今狂獠味嚙文身椎
髻之鄉悉皆就甄陶而樂
化育故知
聖主御宇誠在德而不在險也

作者始封城訖藝文導揚
風勵備職方之掌使守土
者得所依據諮覽其地其
人瞭然心目則所以撫循
利導之術咸得從容就理
以太子
以仰副
道同風之盛治
是則予與中丞有同心也

夫

太子少保兵部尚書都察院右

都御史總督福建浙江等

處地方軍務兼理糧餉鹽

課世襲一等輕車都尉鐘

音譔

續脩臺灣府志序

地志之作昉於九州土訓

誦訓之所傳小史外史之

所掌今不可見惟職方所

載詳其山川藪浸及男女

穀畜之數猶可稽尋後世

沿之於是其寰宇之記郡

國之書然東西南朔在聲
教之內則一切建置沿革
是非得失之故往往文獻
足徵據以成書其取材也
富斯其攷核也不虞其不
精若閩之臺灣則異是其
地孤懸海外澎湖之名僅

見隋史有明之季始爲荷
蘭停泊互市之所繼爲鄭
逆所踞文物未通於上國
者蓋數千百年而士大夫
留心勝槩者亦末由流憇
是邦纂述以備記載我
朝一德同風之治淪浹無外

康熙癸亥歲地入版圖休
養生聚迄今九十餘年不
惟富庶之規與中土埒而
詩書絃誦所陶澤亦彬彬
乎與諸夏爭後先予以乾
隆庚辰來守茲郡詢省舊
聞得康熙間觀察高公所

爲志及其後副使劉君補
葺之書而患其未備乃參
覈新舊諸志於簿書餘畧
捃摭羣籍博訪故老暨身
內召所經履山川夷隘之處傳
聞同異之由心維手識薈
萃成編始封域訖藝文爲

類十二爲卷二十有六非
敢侈聞見之奇也良以狂
獠味嚙之區今躋於文道
化成子適獲導揚郅治以
備蘭臺之儲輜軒之採且
使守茲土者有所奉以諮
覽庶幾周悉其地域廣輪

人民畜產以脩其教而齊
其政不亦爲厚幸乎迺三
載報政旋膺觀察之任繼
而晉陳臬事
內召司寇雖於鯤身鹿耳之險
聖天亦嘗耑斧鉞以靖蜃氛而
周遭還往八歷重洋是書

率因循而未付梓今復奉
聖天子赫聲濯靈建牙於榕陰
荔圃之中回首渤澥舊遊
宛然如昨而驚飈不扇番
社羣嬉鱗集之儔喁喁然
酌醴泉而溯永風予亦遂
得藉是退食從容手此一

編以溯洄於竹城赤嵌間
也爰是復加校閱授剞劂
氏而誌其顛末如左覽者
得毋謂予於斯地固有夙
因者歟然
聖澤所濡日新月異後之君子
據是編而增飾鴻模揄揚

盛美於以補職方所缺畧
是又予區區之志也夫

賜進士兵部侍郎兼都察院右
副都御史巡撫福建等處
地方提督軍務兼理糧餉
前知臺灣府事古越余文

儀譔



續脩臺灣府志目錄

卷首

舊序

原志姓氏

舊志姓氏

重脩姓氏

續脩姓氏

凡例

臺灣府總圖

臺灣縣圖

鳳山縣圖

諸羅縣圖

彰化縣圖

淡防廳圖

澎湖廳圖

臺灣府八景圖

卷一

封域

星野

建置

山川

形勝

卷二

規制

城池

公署

倉庫

坊里

蕃社

街市

卷三

職官

官制

官秩

列傳

卷四

賦役一

土田
租賦

卷五

賦役二

戶口

鹽課

水餉

陸餉

卷六

賦役三

存留經費

養廉

官莊

卷七

典禮

慶賀

接詔

迎春

耕藉

祭社

稷

卷八

學校

學宮

書院

社學

學田

土番社學

卷九

武備一 營制 營署 恤賞

卷十

武備二 武職

卷十一

武備三 列傳 義民 船政

卷十二

人物 科目 鄉貢 例貢 武進士 武舉
列傳 列女 流寓

卷十三

風俗一 習尚 歲時 氣候 潮信 風信 占驗

卷十四

風俗二 番社風俗一

卷十五

風俗三 番社風俗二

卷十六

風俗四 番語 番曲 番俗通考

卷十七

物產一 五穀 蔬菜 貨幣 金石

卷十八

物產二 草木 鳥獸 蟲魚

卷十九

雜記 樓堞 園亭 寺廟 墳墓 畜祥 雜著
叢談 外島

卷二十

目錄

藝文一 奏疏

卷二十一 露布 文移 書

藝文二

卷二十二 序 記 祭文

藝文三

卷二十三 賦 駢體 詩一

藝文四

卷二十四 詩二

藝文五 詩三

卷二十五 詩四

藝文六

卷二十六

藝文七 詩四

屬而備其志病歎事矣故必有良史之筆為記事之

書庶幾州縣治而無憾然余竊疑荒尚之與內地

較難而治之與外治又異似未刊何事而語也迺

我

朝應運盛典

神聖接武拓揮萬國 設苑於禹貢版方之外

宋元所未聞傳自明季天啓開方有倭奴荷蘭屯處

商販頗聚為鄭成功遺孺流亡漸集數十年來不

過爲羣盜逋逃藪耳今

上二十一年

特命靖海將軍侯施公率師討平之始入版圖置郡邑訓其民陋於雕題黑齒聞其俗猶以飲血茹毛旣無廢興沿革之可稽亦安有聲名文物之足紀乎憶余自筮仕蒼梧以來南浮江漢經西伯之化行北守單懷歷大禹之底績迨乎備員藩臬周流齊魯禮義之邦覽其山川風物其俗厚其民淳每歎古帝王流風之遠而德教入人之深也閩在漢爲無諸封國已遜中上若臺者素爲積水島嶼竊計流寓之外其民若盲之初視寐之初覺離更數載猶是鴻濛渾沌之區耳

官斯地臨斯民欲爲治道民生計豈不憂憂乎其難之三十年辛未大中丞下公惠撫斯邦軫念臺灣要地分臬重任非賢能特達者不可迺越定例會薦臬守高公爲巡使再疏報可公以三十一年春持節往蒞茲土時和年豐政行事舉不特惟正之供悉遵賦則而且俊秀之士咸登賢書甫三朞駸駸乎漸近申土行且懇最矣出其所撰郡志屬序余讀之見其分野畫疆辨若指掌文事武備燦焉畢具旣詳於政治風俗奢儉緩急之故復究於形勢阨塞封疆虛櫟之計而且田賦墾廬龜魚蓀蕩以及山藪川浸男女畜擾罔有或遺脫非殫精治道刻意民生者未克臻此

數十年後既富且教不幾為海濱之鄒魯耶吾意後
之人頌其過化之神不讓文翁化蜀寧曰荒裔創始
不足與班孟堅並傳哉余不敏竊幸附名簡末故不
辭而為之序

臺廈道 高拱乾

今天下車書大一統矣我

皇上仁德誕敷挺封萬里東西朔南莫不覆被顧臺灣最
爾土越在海外游氛餘孽蔚為逋藪禬禬番黎茫然
不知有晦明日月沿海郡邑江浙閩粵傳烽舉燧多
歷年所我

皇上好生如天以普天之下皆吾赤子奚忍獨遺二十

特命靖海將軍施公率師討平郡縣其地設官置鎮星羅

碁布數年以來聲名文物駸駸乎與上國比隆夫有
疆土必有風俗有制度必有沿革海外兵燹之餘人
心甫定耳目未開不為搜羅廢墜纂輯典故使天下
觀者如身履其地而習其俗無以彰

聖天子一德同風之盛廣久道化成之治則亦守土者之
過也余自辛未春出守溫陵越明年謬叨兩臺薦剡

聖恩特用分巡茲土浮海駐節甚懼其難也目擊一方之
凋殘利何以興弊何以除學校何以振兵政何以肅

軍實何以備勤勤焉日進文武寮案求所以生遂安
集之道又何暇及於誌乘矧臺疆初闢百度草創遺
編故老湮沒無聞卽欲成書而無徵不信又孰從而
誌之於是者二年幸託

朝廷無外之威德兩臺漸被之深歎風雨以時番黎向
化文武和洽庶吏協恭政事之餘益得與父老子弟
諮詢採覽凡山川之險易水土之美惡物產之有無
風氣之同異習俗之淳薄遠自生番殊俗下及閩閩
織悉每聞見有得輒心識而手編之溯始明李臺所
自有迄歸我

朝臺以肇造綱舉目張巨細必載有功必錄有美必書

公諸衆心以觀厥成斯誌也亦所以志也敢曰余
之私言哉嗣是而稽水道者非以海市蜃樓誌怪
也舟楫必由寓不逢不若之經焉考廢興者非以裸
髮文身誌奇也絕域咸孚見莫不尊親之休焉覈人
材問民俗者非以昔渾沌而今雕鑿也盛衰有自凜
履霜臨谷之戒焉其與內地同者官吏兵民一歸於
正其與內地異者剛柔燥濕各遂其大不寧惟是百
爾君子篤棊協恭以綏靖爾百姓爾百姓公好公惡
具有明徵凡吏斯上者思誌不朽毋貽後世譏將使
海外之聲文之物日臻邱隆而重譯接踵羣知生聚
教訓洋洋乎爲窮荒一大輿陸則是書也未必不可

官方之一助焉拱範世受

國恩自惟才疏志薄今且秩滿奉

日移補漸泉樂臺之駸駸與上國比隆也而斯誌適成倘
聖天子輶軒下採詢及海隅斯誌遂得入奏以附大一統
之末爲三代以來未有之盛事是亦微臣之志也夫
若乃踵事增華是賴後之君子余不敏也又何敢專
是爲序

重脩臺灣府志舊序

閩

國家重熙累洽久道化成薄海蒼生蒸然共進於一道
同風之治凡截竹以祭之域占星問月之鄉莫不重
譯梯航喁喁向化曰昔王者建中表正其埏絃之

廓至今日而爛綸無外矣臺灣附近閩南儼如屏障
非若不夜之城無雷之國列在墨鯽魚支之貢者也
然自宋元以前不登經傳至明季而後知有荷蘭屯
聚繼爲鄭逆連逃藪迫康熙癸亥始入版圖改隸郡
邑生聚教訓六十年來如易草昧之乾坤沐浴於化
聖日光天之下彬彬然成一衣冠文物之邦矣疆域之
沿革戶口之多寡制度之詳畧風俗之澆淳攷其志
乘脩於康熙乙亥迄今四十餘年不獨魯魚亥豕漸
次失傳而時異勢殊日新日盛匪加纂輯又何以信
今而傳後耶獨是諸志之難同於作史自昔爲然矣
史漢而下如廬陵之五代史簡遠澹宕可與涑水相

表裏而烈取革猶且幾之况於後之懷鉛握槩者乎
魯陽劉監司分巡茲詳請續脩志乘爰飭令其延
請宿儒網羅坳據縷析條分八閱月而志成贍而不
穢詩而有體本末既舉繁簡得宜粲然有合於三長
之旨他日輶軒所至涉及海隈以昭

聖世輿圖之盛抑何幸歟雖然猶有進稽諸禹貢紀山川
貢賦封土而卒歸之於祇台德先不距朕命可見控
馭寰宇者在德不在險而敬者德之本也惟敬則勤
而庶事無叢脞之虞惟敬則和而同寅有協恭之美
以此爲忠信之長慈惠之師則山川安於奠定貢賦
樂於輸將封土維於不拔禹之錫圭告成此物此志

也繼自今官斯土者惕乎有顧畏民巖之意抑乎有
涉冰履尾之思本此夙夜靖共以佐我
國家一道同風之化而孤懸海外者永永爲海濱之鄒
魯也夫

福建巡撫 王 恕 四川人

庚申之冬余撫閩之三月臺副使劉君以脩郡志告
既明年秋七月書成來請序又五月始爲序之曰古
者郡國計書上於蘭臺蓋卽後世地志之屬也周禮
小史掌邦國之志外史掌四方之志司農謂邦國之
志乃春秋傳所謂鄭志國語所謂鄭書康成謂四方
之志若魯之春秋晉之乘楚之檮杌周官別山川分

圻界條物產辨貢賦六卿分掌之而統於冢宰太史以六典逆其國之治蓋心即史也劉勰中曰四方之志謂九州列國四海百蠻也亦之所自出封建之所由興朝貢之斷續政教之遵從禮樂之興革俗尚之醜好若土均土訓論訓之所職皆為志以藏之若是則今之郡縣志古四方為之濫觴也其事重矣臺僻在海島介於百蠻自入版圖以來

聖化淪浹風移俗易彬彬乎與諸夏埒非星槎瀛涯舊矣漢丞相張禹使屬賴川朱贛條其風俗而宣究之劉君之為是書也蓋欲吏於臺者宣究其風俗而善為治意良厚矣雖然治臺之法有七而所以挈要者三

興教化足積貯嚴保甲稽汛守束戍兵安客戶徠番社此有司所謂法也實心以宣

上德虛衷以和文武多方以求民隱此吾所謂要也非法不足以布政宜非要不足以操治本皆吏於臺者職也其可勿朝夕思乎柳子厚曰凡吏於土者若知其職乎蓋民之役非以役民而已也曾子固曰吏者惟其無久居之心故謂之不可如其有久居之心奚不可耶苟為吏者以吾前所言者為法而以後所言者為戒則鹿耳鯤身即雉飛虎渡之區天風海潮皆和樂熙皞之音矣是劉君為志之意也至若體例筆法之嚴敘述記載之雅卓然有合於古人可以以上之太

史備圖經之米擇諸公序之詳矣茲不復贅云

圖浙總督喀爾吉善 滿洲人

自古史家撰述稱志為難夫非獨作志之難也所志者尤難作志者視其才而所志者視其地與其世人物與時高下事跡隨代顯晦而撰述之隆污因之故曰難也今天下車書大同各省及府概有志書煥焉可述獨臺灣以一府數縣肇闢於溟濛芴昧之中垂六十餘年而有志書二十五卷吏治民俗文教武畧洞源竟委麟麟炳炳幾與中土埒而恢詭有過焉斯以奇矣余以丁卯春奉

命開府閩中詢省風土適值是志告成得詳覽焉然後歎

是編撰述之雅麗非特後先作者之才也臺地雄視

鉅海貫東西兩洋為數省屏蔽其形勝固已殊絕迨

至

聖人出而四海一紅夷海寇陰先驅除風師河伯効靈於

波濤矢礮之間助帥武臣宣力聿登清宴守土之吏

國正稟

廟謨撫寧疆理生聚而教誨之迄今如一日故其見於志

者上自

九重神功咸暨旬宣大僚姚滿二公之籌畫施藍諸將之

方畧歷任巡察諸吏之勤勞下逮一時詞人倚馬橫

槩之才靡不瀾如至於涵濡美衍聲教所訖內則衣

冠典文之休嘉亞於上國外則山經海紀之瑰琦軼於徃古此皆

聖作物觀深仁厚澤洽於無垠自邃古以來未有登斯理者故後先諸子得以踵事蒐輯勒為成書昭示來世班孟堅所言遭遇乎斯時者詎不信哉遂因其請序而書諸簡端推原其美非徒以志作者之幸亦以覺悟蒸黎俾知東南赤子賴絕島保障含哺鼓腹無揚聖人波之恐者幸際太平有道之長也若夫撫富庶之樂而思締造之艱緬變理之勞而為綢繆之計此則封疆文武之所圖尤願與來者無忘之也夫

福建巡撫 陳大受 祁陽人

海內郡國以千百計其山川險隘風土人物與夫往古事蹟載於史策稗官野乘為類甚繁作志者曾萃成編其取材也既博其備飾也易工若乃遐荒外島自昔聲教未通之地如臺灣者溯前則無稽居今則難畧作者於此蓋不勝視止行遲焉我

國家聲靈赫濯海隅日出門不率俾臺灣自入版圖垂今餘六十年卉服文身之域茹毛飲血之儔咸襲冠帶安耕鑿俗易風移駁駁乎有中土之習

大化涵濡於是為深且厚矣郡之有志有高劉二君始比歲給諫六公侍御范公奉命巡視其地官布

聖天子德意無綫民番輻寧海疆政理既已浹和爰取舊志而重脩之勒成若干卷屬序於余余惟東南環海之區元明以前率爲逋逃藪故事多荒畧而其地亦莫可考澎湖之名僅見於隋史臺灣則明季始稱其名然不過爲日本荷蘭停泊互市之地既無歷代廢興沿革是非得失之概可資考鏡亦無文人詞客游歷尋覽之蹟可以感慨流連故述之者恒患不文間有一二紀載又涉於奇誕人往往視書齊諧之志山海之圖用廣異聞而已今觀是書體例嚴密力大思精凡旌別淑慝區畫井疆戒飭武備諸大政靡不條分縷晰而詳著之可謂識其大者矣而山川之夷險

水土之美惡番俗之淳頑物產之豐嗇織悉不遺該洽典瞻斐然可觀以是上諸蘭臺誠足資廟堂之採訪且使守土之吏得而習之士俗民風瞭然心目所以承流宣化奉職效官者悉於是乎在則是書豈徒作哉抑余聞之臺地幅員廣遠東番各社禾黍芄芄比戶殷富苦於野番間阻不得列爲王民邇年以來聖澤覃敷野番輸誠歸化者絡繹不絕傀儡諸山兇番終於革面革心則臺地將東漸於海而聲教之所訖必有踵事而增脩之者是有於後之君子

福建布政使 高 山東人

聖天子統御宇內包含萬有雖遐荒絕島亘古未經向化者無不舉而懷柔之教養之使皆有以漸摩而成善俗其遐荒絕島之衆初猶草昧蚩蚩耳乃自感於聖人之治殆如風行草偃翕然向治遂臻一道同風之盛焉臺灣一域爲海外荒島禹貢之書不載職方之紀無聞始自有明天啓朝爲荷蘭屯處稍與中華通往還後爲鄭成功竄踞恃險負遠猶在四夷也我朝定鼎

聖祖神武遠播收鄭氏餘孽而版圖之設官置鎮十年生聚十年教養由是臺灣一域已漸非昔日之遐荒絕島矣庚戌歲序奉

命巡察重洋遠渡入其地人民濟濟無雕題卉服之狀蓋浸潤於教化涵濡乎養育者深且至也按其戶口稽其財賦考其山川風俗土物人情閱其城池倉庫壇廟學校番社官莊兵農水利釐然畢備退而準之舊有誌乘則掛漏殊多抑舊志成於法度未備之初不無因陋就簡越數十年自不可同日而語矣意欲卽而脩之值頑民吳福生跳梁捧節之使守埤禦暴宣化撫綏之不暇遑暇脩誌乘哉期滿復命忽忽數載意甚缺焉甲子春旬宣闔地見從前舊乘已爲劉副使補葺人有同心猗歟休哉秋九月奉

昔赴臺查勘武職官莊踰澎渡海巨浸驚濤山川城郭依然如舊而民風之醇人物之盛闢土之廣利用之厚簿書期會之繁更不可與庚戌之歲同年而語矣愈以徵

聖化之淪浹久而風俗移也劉君所葺誌乘又覺未盡其要會語 巡使給諫六公而六公亦有雅意增損之說迨 侍御范公赴臺六六公參酌考訂諮討釐正逾一年誌成丙寅冬 六公寓書予曰重脩志乘業已刊刻告竣言之不文 爲一序予不敏何以序爲雖然脩臺誌者予素志 曾敢以不敏辭於是披覽周環得其所紀山川則 嶼搜羅摭拾之無遺

也田賦則納總納穗供輸經費之畢存也風俗則居處習尚番社語言之悉載也其奇節瑰行風流俊雅者錄之人物之中水陸戎行班戍優恤之典具於武備之內若夫物產則嘉穀異卉珍禽怪獸之呈而詩文辭賦則天章雲漢光怪陸離之炫目他如規制典禮職官學校則又事核而該體嚴而備其中有倫有脊有目有綱踵事增華茲以加矣一畫開而天地闢二氣運而歲功成臺誌脩

聖治彰所繫寧不巨歟他日輶軒採問不第知荒島之爲鄒魯益以歎 二公之用心有功於

朝廷者不淺乃援筆而爲序

閩地為古無諸之國而閩之臺灣本土番部族琉球之故壤漢唐開疆以來皆以海外置之地入於荷蘭其後鄭成功逐荷蘭竊踞為巢

聖祖仁皇帝念天下一家臣服其黎庶郡縣其土宇數十年休養生息日就蕃昌土地人民政事之大不可以無志志於前者觀察高公副使劉公相繼纂脩而規制事宜未盡洽備今 給事六公 侍御范公奉命巡視茲土乃與副使莊君太守褚君其採舊聞旁搜衆紀為徵引之據於是取新舊二志增之損之有綱有目余觀志之脩也與作史同必彙從前之事合數家

之辭而裁以史才之手然後條理明備本末燦然孟堅之於子長劉胸之於韋述半以為取材而加之斷削歐公五代之史原本於薛居正而刪定之是故必有相因之迹相釐之功相因則其事詳相釐則其文核夫作史且然至於脩志亦有不得不然者矣顏師古曰志記也積記其事也夫事日積而多亦日積而廢由後數十年之所積較之於前其踵而增華者有加而於前事或久而放失又或因傳聞之謬更為荒蕪之辭以雜之不得其詳且核焉則其缺莫考其文之不雅馴者尤縉紳先生所難言也今觀臺志之脩自封域規制至於藝文雜記其間典禮之周學校之

設武備之嚴與夫山川之險易戶口之繁衍賦役之殊科生番熟番之頑馴強弱不同人情風俗土物產貨按志以稽如指諸掌且臺郡孤懸海外爲各省之藩籬是以於防海港口出入水道紆迴言之尤詳必提其要害紀其遠近使人因其形勢以識控制之方其視前志加詳而體要典則尤爲加核是有良吏之才而達於政體者也考之周禮職方所掌辨及山藪川浸與男女之數穀畜之宜以周知其利害使同其貫利王制凡居民材必因天地寒暖燥濕廣谷大川之異制民生剛柔輕重疾速之異宜以脩其教而齊其政今是志之脩既熟悉全臺之風土人物則其政

治之宜民條理本不必有卓然可觀者不獨其文之詳核可以方班劉而匹歐陽也謹序之

臺灣道 莊 年 武進人

地理之有志也自禹貢始禹別冀兗青徐揚荆豫梁雍爲九州至殷則有幽營而無青梁至周則無徐梁而有幽并其見於爾雅周禮者近是然皆備列揚州閩揚州城禹貢曰淮海惟揚州爾雅曰江南曰揚州則夏書之所謂東漸於海王制之所謂自東河至於東海卽殷制是臺地實洪荒渺昧芒芴爛熳而在其中史考周禮職方東南曰揚州雖具區三江五湖具載而未及海然已明言七閩臺淡水距閩省水程四

百餘里其間關潼自畝形勢蜿蜒則臺之隸閩斷可
識矣臺始見於隋洎明荷蘭據其地鄭逆角逐之立
郡邑我

朝天威震普樓櫓南指遂納款面向附疆索焉伏荷

列

聖仁綏義撫先之以噢咻拊畜以馴化其歷來獷鷺之習

俾黠者爲於工商樸者安於隴畝秀者澤於詩書彬
雅之中漸躋於聲名文物而易其狂獠味嗜之弁陋
然則臺之初闢固不可以無志而其在荒服無可治
考則其爲志也較難曩之觀察茲地者嘗留心斯舉
康熙間高公爰剞輯之繼乾隆辛酉劉公省齋復增
補成書可謂明且備矣伯茲化理淪涉又歷年所時

物漸臻風氣益廓不巡方范二公塵念海邦文獻
網羅薈萃遂搜舊典周訪新知因而按部就班釐爲
綱十二目九十有百繁者汰之缺者補之祛其泛濫
其要而又不徑從簡畧使後人失所依考而又不隨
流附會使旁觀循其模稜稜意匠心裁洋洋乎蔚爲瀛
島巨觀也且夫鹿耳鯤身臺之門輿南則沙馬猴林
北則雞籠鹿子篁巒嶼與鯨濤拍天角險惟髻文
身與冠裳島履交錯入與山海際地與民番混在閩
則爲鎖鑰在江浙甌粵則爲屏藩雖僻介邊徼其帶
礪攸關實視中區爲險要也定志也其徒侈詞華之
莊雅體製之醇備考核之精詳乎蓋其用意宏深矣

嘗試按而考之舉凡廟謨之淵邃奏疏之剴切文武乂安之籌策水陸防捍之隘衝以及興文講武通商輯蕃之周畫無不擗摺參覈規之詳而慮之遠今夫風雷草昧君子以經綸臺之啓疆雖已距六十餘載誠有如文翁化蜀昌黎治潮暨武侯之定種蠻伏波之撫交趾迄今猶衣其德弗衰服其教而畏其神弗輟則茲土也潮惠漳泉之叢處而誘以土物心臧生熟蕃之喏喏于十而潛率之就甄陶而樂化育游惰向業四民交勵五士迭興萑蒲弭訟獄息刑措兵偃職官人物炳炳烺烺而風俗齊美斯山川草木鳥獸蟲魚皆繪文明熙皞之象

矣則是志之所以道揚邳治襄贊鴻謨繫苞桑而固磐石者其有幽風無逸之思乎夫豈等山經水注侈乘槎之瑰奇資操觚之博瞻已哉余猥廁鉛槧之末愧無能爲役爰書諸簡端而特闡之

臺灣府志卷一 職官 知府 知縣 儒學 教諭 林宸書

原志姓氏

纂輯

福建分巡臺廈道兼理學政高拱乾

校訂

臺灣府 知府 靳治揚

臺灣府 同知 齊體物

臺灣縣 知縣 李中素

鳳山縣 知縣 朱繡

諸羅縣 知縣 董之弼

臺灣府 儒學 教授 張士吳

臺灣縣 儒學 教諭 林宸書

鳳山縣儒學教諭黃式度

諸羅縣儒學教諭謝汝霖

分訂

舉人王璋

貢生王弼

貢生陳逸

貢生黃魏

貢生馬廷對

貢生王喜

監生馮士號

員張銓

泉志

監

生員陳文達

生員鄭萼達

生員金繼美

生員張紹茂

生員柯廷樹

生員張僊客

生員盧賢

督梓

典史嚴時泰

福建布政使司張嗣昌
福建按察使司王丕烈

纂輯

分巡臺灣道按察使司副使劉良璧

臺灣府知府錢洙

臺灣府知府范昌治

協輯

臺灣府海防同知郝霏

臺灣府淡水同知戴大冕

澎湖通判胡格

臺灣縣知縣楊允璽

鳳山縣知縣蔣芳

諸羅縣知縣何衢

彰化縣知縣費應豫

同輯

臺灣府學教授薛上中

臺灣縣學教諭徐宏祚

鳳山縣學教諭周元

諸羅縣學教諭陳振甲

彰化縣學教諭鄒熊

分輯

舉人陳邦傑

舉 人陳輝

恩 貢張從政

拔 貢黃佐

歲 貢范學洙

校對 臺灣府學訓導楊友竹

臺 灣府學訓導楊友竹

臺 灣府經歷朱士顯

監刻 生施士安

貢 員翁昌齡

生 員翁昌齡

重脩姓氏

纂輯 巡視臺灣兼提督學政監察御史范咸

巡 視臺灣戶科給事中六十七

協輯 分巡臺灣道按察使司副使莊年

臺 灣府知府褚脉

臺 灣府知府褚脉

參閣 諸羅學訓導陳繩

校輯 臺灣府淡水同知曾日瑛

臺 灣府淡水同知曾日瑛

重脩姓氏

字榕亭江南長洲人保舉

字九池浙江和縣人癸卯進士

字總百江南長洲人保舉

字耀平福建閩縣人歲貢

字芝田江南南昌人例監

澎湖通判汪天來 字湧漢江南徐州人監生

臺灣縣知縣李闡權 字衡望山西安邑人教習

鳳山縣知縣呂鍾瑟 字能允廣東饒平人舉人

署鳳山縣知縣丞趙軼臨 字御石浙江蕭山人監生

諸羅縣知縣周緝敵 字仲侯廣東新會人舉人

彰化縣知縣陸廣霖 字用賓江南武進人已未進士

監刻

原任臺灣府海防同知方邦基 字樂只浙江仁和人庚戌進士

臺灣府海防同知梁須楸 字大木正白旗漢軍例監

署臺灣府海防同知漳州府同知張若霽 字樹堂江南桐城人保舉

校對

臺灣府學教授吳應造 字鈞大福建閩縣人庚戌進士

臺灣縣學訓導伍兆崧 字符年福建寧化人優貢

續脩姓氏

總裁

分巡臺灣道兼提督學政覺羅四明

字明正滿洲正藍旗內閣中書

十脩

臺灣府知府余文儀

字寶岡浙江諸暨人丁巳進士

協輯

臺灣府淡水同知下從濂

字靜專江西星子人戊辰進士

臺灣府淡水同知夏瑚

字和生浙江仁和人監生

參輯

舉人棟選知縣黃佾

字樂序福建侯官人

校對

生

員張源義 字世文亭 蕩縣人

卷首	序	凡例	一郡志初作於康熙三十三年觀察高君拱乾成之其	後副使劉君良璧重脩於乾隆六年高志草創多失	之畧至劉志則加詳矣然劉志二十卷星野建置山	川外更有疆域而風產即附風俗下似為不倫高志	十卷以封域規制筭為十綱各附以口序列有體今	合新舊二志增損之為綱十二為目九十有二庶幾	有條而不紊爾	一劉志大半摭拾通志如通志首列典謨蓋以全省所	奉	諭旨高文典冊自宜弁冕簡端若郡邑志自不必復載舊
----	---	----	-----------------------	----------------------	----------------------	----------------------	----------------------	----------------------	--------	-----------------------	---	------------------------

凡例

一郡志初作於康熙三十三年觀察高君拱乾成之其後副使劉君良璧重脩於乾隆六年高志草創多失之畧至劉志則加詳矣然劉志二十卷星野建置山川外更有疆域而風產即附風俗下似為不倫高志十卷以封域規制筭為十綱各附以口序列有體今合新舊二志增損之為綱十二為目九十有二庶幾有條而不紊爾

一劉志大半摭拾通志如通志首列典謨蓋以全省所奉諭旨高文典冊自宜弁冕簡端若郡邑志自不必復載舊

志將

御製

至聖贊及表章朱子

上諭周易折衷等序金行纂述此豈專爲臺地而設耶且四亞聖贊後卽繼以

賜靖海將軍施琅碑文尤爲失次故茲志不敢仍襲其舊

其有因臺郡事宜

特頒諭旨者謹分載各條內俾奉行者有所遵守勿失焉

一臺灣入版圖後生聚教訓雖歷六十餘年然猶去荒昧未遠本地苦無文獻可徵所見所聞不無異辭卽以星野言之舊志謂屬牛女之分諸羅志謂屬翼九

度而鳳山志辨其非必命列之以見統綱專主牛女之意是志於各條下俱列附考似於作志體例別創一竒亦以海外初闢之地不得不互存以資參攷云爾

一前志於臺灣一邑祇載寥寥數山其羅漢門內外概不之及迨乙丑冬巡歷至其地見山谷盤互極險仄幽峻間之士人則云朱逆作亂時初皆盤踞於此及閱使槎錄載羅漢門山甚詳且云峻嶺深谷叢奸最易此守土者所不知也因採其語入形勝附考中而詳識其山之遠近道里補入山川志焉

一鹿耳門爲全臺門戶防緝如完則臺防同知之責爲

獨重前志不載海防事言今特為增入凡海港出入之要口及船隻之大小俱一切見行則例俱必條列亦以見防海宜詳也

一臺灣田賦自歸化後累蒙

列聖減則蠲除優恤備至惟雜稅有沿鄭氏舊名者故徵餉水陸異科與內地迥別其牛磨蔗車以及港灣潭塹繪縵罟罾蠟之屬非詳注則觀者無由知今特采諸書中言之雅馴者列之附考至養廉一項尤

聖朝體恤臣下之仁亦宜備載以志異數

一臺郡分野揚州習俗尚鬼與荆楚同今典禮中祠廟一遵祀典所頒淫祠並黜其寺觀則別載雜記

閩省鄉試臺郡分額取中所以培養海外人才者備極隆至餘皆粵人之附籍者亦增入學名額尤為特典前志未錄故於學校中詳列其始末焉

一海外武備特重凡分班遣戍之期道里舟車之費

歷聖加恩優恤至為詳備而制田產以備吉凶賞恤延及百

世尤我

世宗憲皇帝格外殊恩也舊志未載茲特補入並增列義民

議叙一條以見

聖朝報功之典雖小善必錄焉

一番社不下數百種生熟番馴頑不一南北番亦強弱各殊然熟番與土庶雜處輸賦供役則亦民也即生

番歸化亦各輸鹿皮餉今考其服食居處性習風尚各番畧有不同因本館玉圃先生番俗六考加以咨詢所及於風俗中分類詳記而其方言俚曲亦載其大畧焉

一臺之物產自百穀以至草木蟲魚類多中土所不常有在土人既以臆名之而士大夫考据又苦未得其真故附考中徵引諸書有一物數見者蓋欲後人有所拆衷故採擇不厭其詳至舊志所載如薤則云有赤白一種蒜則云有大小種桃則云花紅實可食梅則云味酸松則云松柏為百木長梅則云百花魁黃鶯則云一名黃鸝一名倉庚螢則云腐草化生蜻蜒

則云六足四翼翅薄等類凡皆內地習見之物不煩

細注今悉刪去以免載籍繁夥

一舊詳附考中頗載偽鄭逸事以其始則驅逐荷蘭繼

則納土歸降蓋為我

朝先轍者故附錄其興亡之跡以為臺地之緣起非敢

倣十國春秋之例也

一臺郡初闢中土士大夫至止者類各有著述以紀異

然多散在四方島嶼固鮮藏書之府也范侍御奉

命巡方自京師攜黃玉圃先生尺牘錄以行至武林又得

孫湘南先生赤嵌集抵臺高摧脩志於是臺灣志畧

靖海紀東征紀臺灣紀畧三書雜記椰海紀遊諸集

按籍搜索命得全書惟沈文開集向時寓臺諸公所
艷稱而未得見者亦輾轉覓諸其後人凡得詩文雜
作鈔本九卷半皆蠹爛但字迹猶可辨識既不忍沒
前人之苦心故所徵引較前志尤多但志中所引僅
註書名因特於雜記中另列雜著一條備載作者姓
氏方知爲某人之書亦僉以存海外之文章令後來
有據耳


一藝文內舊志將鄭氏歸降表採入尤爲不倫若前明
寧靖王術桂係監國魯王所封傳中屢以王稱之亦
非體矣又奏疏首尾體例全載此爲冊檔之式非是
紀乘之文况題目已經列明更爲屋上架屋凡以上

概爲刪改至蕩平鄭氏施靖海之功爲烈其後辛丑
恢復則藍總戎之功不讓於施今二家紀載之書一
則有靖海紀一則有東征記雖不必皆成於己手然
其功足傳則其文亦多可錄志中祇遺其半已各得
一卷他如沈文開不忘羈旅之思孫湘南獨擅叢笑
之什是以採擇尤多蓋是志於藝文之去取尤嚴也
餘若詠物詠景之作則彙錄入本條下以見寫生屬
情之妙其不關世道可統載藝文詩中云


臺灣全圖
福運臺

臺灣全圖
 福運臺
 此圖係由
 某人所繪
 其圖中
 展示了
 臺灣的
 地理概況
 包括
 山川
 河流
 城鎮
 以及
 交通
 線路
 等
 內容
 詳盡
 且
 繪
 畫
 精
 美
 實
 為
 研究
 臺灣
 地理
 之
 重要
 參考
 資料
 也

總圖



皇灣府




縣圖




臺灣






山鳳



縣圖



臺灣府志

卷首

臺灣府志

卷首

五

圖縣



化彰





圖 廳



水 淡



臺灣府志

卷之二


二

臺灣府志


卷之二

二

廳圖



湖澎




臺灣府志

卷首

十

圖



臺灣府志

卷首

臺灣廳治

八景圖

臺灣府志


卷首

安平觀渡





沙鯤漁火



鹿耳春潮



臺灣府志

卷首

四


三

一


臺灣府志

卷首

三



雞籠積雪



東溟觀日




臺灣府志

卷一


臺灣府志


卷一




五


西嶼落霞





澄臺觀海





雙亭聽濤



續脩臺灣府志卷之一

欽命巡視臺灣朝議大夫戶科給事中紀錄三次六十七

同脩

欽命巡視臺灣朝議大夫雲南道監察御史加級紀錄三次范成

分巡臺灣道兼提督學政覺羅四明

續脩

臺灣府知府余文儀

封域 星野 建置 山川 形勝

海外蒼茫島嶼自古未有建郡縣者隋開皇中畧澎湖至元末置巡司而北港臺灣前明始見於簡編初為連數繼作倭巢自偽鄭拾荷蘭之遺城市室廬頗近中土迨入

國朝版圖聲教遐訖經營而締造之歷七十年天獻其

祥地不愛寶千峰作鎮百川匯流巍然有東南之保障所謂

聖人懷柔及河喬嶽者寧以海外異哉志封域

星野

臺灣禹貢揚州之域天文牛女分野星紀之次

附考

福建天文牛女分野按牛女於辰爲丑銀海之屬星紀之次銀海元武象也星紀吳越分也說者謂臺在泉州之窮南去省會遠矣不宜爲銀海之屬又在漳州之極東去吳越更遠矣不宜爲星紀之次雖曰天覆罔極而至窮南極東星土不無少異遂有以臺郡分野當在女

虛之交者虛元枵之次在子之辰以臺之稍迤而東遠疑其越次越辰何異坐井之見卽以近事考之明時澎湖統於泉泉分野非從省會爲牛女平則臺依泉爲牛女分自可無疑矣更以近地考之臺海西界於漳南鄰於粵而此則閩安對峙漳分野視閩而粵分野視漳焉有臺之錯壤相接獨不屬之牛女乎唐一行有云星紀當雲漢下流百川歸焉故其分野自南河下窮南紀之曲東南負海爲星紀則臺郡宅東南分野仍屬牛女又與一行之說相符

島土附傳

閩分野史記天官書前漢天文志皆云屬牽牛婺女之分明一統志謂屬牛女之分劉向蔡邕皇甫謐謂屬牛

女斗三星之分魏陳卓云會稽入牛一度閩距會稽實
在周天度數一千四百六里之內謂九閩咸隸會稽牛
一度或云閩越在南而星紀在北於相配之義未協或
云晉史墨以得歲卜越星紀在北而指於南或閩越亦
從其所指而言天文志云東南負海爲星紀負海者以
其雲漢之陰也通志云疏星野者大都指禹貢維揚而
以星紀之次屬之爲會稽域內則閩在東南距揚州三
千里已在分度一千四百六里之外况臺則東南負海
距厦一十二更水程何止一千餘里哉集諸書之說而
折衷其意可耳

舊志

臺灣海島之地其域不在九州之限按古四譯館因外

彝來貢以外彝分力紀星臺灣原屬島彝其次爲鶉尾
其宿爲翼其辰爲巳宋天文志云鶉尾在翼軫之交居
南方七宿之末隨南極而半入海呂宋淡水臺灣是也
利瑪竇云鶉尾之次於律仲呂岡山分野亭有大爾雅
云鶉尾軫翼也郭璞注云軫翼南方之傾地勢之下翼
巳之間火星所屬故謂之鶉尾至其分度又往往不同
唐開禧起翼二十度宋元會元起翼二十度杪明授時
書又起翼二十度
本朝欽天監所定時憲書則止十七度整呂宋居於巽
巳入翼十度日本在寅艮入軫八度臺灣背接呂宋右
連日本其值翼九度無疑俗以附漳泉分野不知漳泉

係丑地牛女之分與巳位無涉故占驗之家概以臺灣同島彝一體測驗而以里差詳之寧樂為翼九度諸羅在臺北角木遠照斜插隱見屬翼八度七分之二鳳山在臺南亦同屬翼九度杪牛女星紀約畧之見不可從也

諸羅志

劉向日吳越屬斗牛女分晉隋元志吳越其辰在丑伊古以來未有非之者而說者曰呂宋居巽巳入翼十度日本在寅艮入軫八度臺灣背接呂宋右連日本其備翼九度無疑夫臺之去呂宋也水道七十更有奇其去日本也水道亦七十更有奇二島不在九州之內荒遠難稽星野實不足據若由臺開棹中流至澎四更焉止

矣由澎至厦七更焉止矣澎舊隸同安星野其能別異乎澎不能別異而謂臺星野其能別異乎且自省會達離籠水道亦祇七更浮嶼如關童白猷以及旗干石等處似蛛絲馬跡脈絡昭然可尋是鳳山星野當依郡乘從閩省牛女確乎其不可易也倘謂鳳山星野入翼九度諸羅星野入翼八度則同郡之地至差一度而呂宋水道去臺六七千里而遙者反謂其入翼十度舍耳目之近而持渺茫無據之論未敢以為信也

鳳山志

建置

臺灣府在東南大海中北路淡水直對福州省城南路赤山直對南澳離福建福州府一千二百里陸行自閩縣至泉州同安縣五百四里水行自廈門至澎湖水程七更

澎湖至鹿耳門水程三百里舊志以六十里為一更計六百六十里按明史曰雞籠淡水至福州港口五更可達古荒服地隋開皇中遣虎賁陳稜畧澎湖三十六島元末置巡司明洪武五年徙其居民置漳泉閩嘉靖四十二年流寇林道乾掠通海地都督俞大猷征之追至澎湖道乾遁入臺大猷不敢進留偏師駐澎道乾旋遁占城澎之偏師亦罷設巡檢以守澎湖萬厯間海寇顏思齊據有臺灣鄭芝龍附之尋棄去荷蘭取其地因築赤嵌城以居即今安平鎮城本朝順治初鄭芝龍于成功叛據廈門十六年由海道犯江寧敗歸逐荷蘭據之設郡縣成功死傳于經康熙二十一年總督姚啓聖謀取臺灣經死傳于克塽康熙二十二年靖海將軍施琅攻澎湖克之鄭克塽降二十

三年廷議設府一曰臺灣隸福建布政使司領縣三曰

臺灣鳳山諸羅康熙六十一年朱一貴作亂踞府治總督滿保會提督施世驃南海總兵藍廷

珍以七日勦滅雍正元年增設縣一曰彰化並增設淡水廳五

年增設澎湖廳今領四縣二廳

臺灣縣 鳳山縣 諸羅縣 彰化縣

淡水廳 澎湖廳

附考

文獻通考云琉球國在泉州之東有島曰澎湖烟火相望水行五日而至旁有毘舍耶一作那國語言不通袒裸肝睢殆非人類喜鐵器臨敵用鏢鏢以繩十餘丈為操縱蓋愛其鐵不忍棄按澎湖東南即今臺灣其情狀相

似殆卽昆舍耶國也

臺海使
程錄

臺灣於古無考惟明季莆田周嬰著遠遊編載東番記
一篇稱臺灣為臺員蓋南音也然以為古探國疑非是

臺灣
隨筆

臺灣海中番島昔人所謂乾坤東港華嚴婆娑洋世
界名為雞籠考其源則琉球之餘種自哈喇分支近通
日本遠接呂宋控南灣阻銅山以澎湖為外援明萬歷
間海寇顏思齊踞有其地始稱臺灣思齊剽掠海上倚
為巢窟臺灣有中國民自思齊始啓洲
文稿
門給事中何楷疏臺灣在澎湖島外水路距漳泉約兩
日夜其地廣衍高腴可比一大縣中國版圖所不載初

窮民至其處不過規漁獵之利已耳其後見內地兵威
不及往往聚而為盜近則紅夷築城其中與奸民私相

互市屹然成大聚落矣

春明夢
餘錄

臺灣古未隸中國版圖明宣德間太監王三保

通志作
鄭和

舟下西洋因風泊此嘉靖四十二年林道乾寇亂邊海
都督俞大猷逐道乾入臺偵知海道紆迴不敢進留偏
師駐澎時哨鹿耳門外道乾以臺非久居所遂恣殺土
番取膏血造舟從安平鎮二鯤身隙間遁去古城占城
屬廣

南今尚有
道乾遺種

道乾既遁澎之駐師亦罷因設巡檢守之尋

裁天啓元年濫失人顏思齊為東洋國甲螺

東洋卽今日
本甲螺卽頭

目之

引倭屯於臺鄭芝龍附之尋棄去久之荷蘭紅毛

舟遭颶風飄此愛其地借居於土番不可乃給之曰得一牛皮地足矣多金不惜遂許之紅毛剪牛皮如縷周圍圈匝已數十丈因築臺灣城居之今安平城已復築赤嵌樓與相望設市於城外而漳泉之商賈集焉

國朝順治七年庚寅甲螺郭懷一謀逐紅毛事覺被戮辛丑鄭芝龍子成功自江南敗歸其勢日蹙孤軍廈門適甲螺何斌負債逃廈誘成功取臺地舟至鹿耳門乘大霧駢進荷闌歸一王以死拒戰成功告之曰此地先人故物今珍寶聽而載歸地仍還我荷蘭知不敵乃遁去成功遂入據之改臺灣爲安平鎮赤嵌爲承天府總名東都設縣二曰天興曰萬年成功死子經改東都爲

東寧二縣爲二州設安撫司三南北路澎湖各一康熙二十一年福建總督姚啓聖川間謀陰散其黨約僞賓客司傅爲霖爲內應垂成事洩爲霖遇害二十二年水師提督施琅統舟師進征六月由銅山直抵澎湖八罩澳取虎井桶盤嶼戒軍士毋得妄殺軍士苦水鹹島岸突湧甘泉遂無渴患一戰而澎湖平克塽震懾遂籍府庫納地歸誠舊志

隋開皇中常遣虎賁陳稜畧澎湖地其巽屹立巨浸中環島三十有六如排衙居民以苦茅爲廬舍推年大者爲長以畋漁爲業地宜牧牛羊散食山谷間各鼂耳爲

記海防考

洪武五年湯信國經畧海上以澎湖島民叛服難信議徙近郭二十一年盡徙與民廢巡司而墟其地繼而不逞者潛聚其中倭奴往來停泊取水亦必經此嘉隆以後海寇曾一本等屢嘯聚為寇

赤嵌筆談

澎湖一名彭蠡湖

燕書二編

明嘉靖四十二年都督俞大猷留偏師駐防澎湖尋罷仍設巡檢司後金裁至萬歷二十年後增設澎湖遊兵三十五年設衝鋒遊兵以備倭天啓二年紅毛據澎湖四年巡撫南居益遣總兵俞咨臯擒其渠帥獻俘於朝

按萬歷末紅毛據臺灣築城至是復築城於澎湖皆求互市也○漳州府志

東山川

臺灣府

臺郡負山面海 臺山自福省五虎門蜿蜒渡海東至大洋中二山曰關瀆曰白畝是臺灣諸山之龍起處

使檣錄云

此為郡治祖山隱伏波濤穿海渡洋至臺之雞籠山始結一腦

磅礴繚繞千餘里或山谷或平地諸山屹峙不可紀極

大約臺山背東濱面西海而郡邑居其中 木岡山為

郡之少祖

臺地祖山自福州渡海從北而來而郡治又近南故以木岡山為少祖

在府治

東北長一百三十餘里巍峨特聳其頂每有雲霧天氣

清則見山南三十餘里為臺灣縣治 自木岡山南至

沙馬磯頭山在府治西南四百六十里其西盡大海其

東北為鳳山縣治 自木岡山北至玉案山其西北三

十里爲諸羅縣治 自玉案山北至大武郡山其西北
 四十里爲彰化縣治 自大武郡山北至雞籠鼻頭山
 在府治東北六百三十里其北盡大海其西南三百五
 十里爲淡水廳治 大海環繞臺郡爲閩省外障其山
 皆向內地北路之後壠港與興化南日對峙後壠而上
 有竹塹與海壇對峙竹塹而上有南嵌社與福州閩安
 鎮關潼對峙自南嵌至上淡水與北茭相望淡水至雞
 籠城與沙埕烽火門相望南路鳳山縣之彌陀港萬丹
 港岐後港東港茄藤港則與漳州之古螺銅山懸鐘等
 處相望順風時駕駛針路皆以卯酉爲方向不用斜轉
 惟鹿耳門居府治之西北澎湖又居鹿耳門之西北與

泉州府同安縣之廈門東南針對針路以巽乾爲方向
 澎湖憑山環海有五十與巨細相間坡隴相望迴環五十
 五澳

澎湖諸島皆平岡無峰巒舟行稍遠輒伏而不見漸迫時
 登鷓首高處憑眺恍惚天際微雲一抹

臺灣縣	木岡山	<small>在縣治東北三十三里蒼翠</small>	卓猴山
<small>在縣治東</small>	番子湖	<small>在縣治東五十三里拔</small>	柳林
<small>北三十里</small>	大山	<small>在縣治東五十三里</small>	柳林
<small>山在縣治東北五十五里</small>	大鳥山	<small>在縣治東五十三里</small>	柳林
<small>屬</small>	南子仙山	<small>在縣治東七十里</small>	東方木山
<small>在縣治東六十五里</small>	旗尾山	<small>在縣治東六十五里</small>	銀
<small>曠土以迤主番禁止開墾</small>	羅澳門山	<small>在縣治東六十里</small>	銀
錠山	<small>在縣治東六十里</small>		

小烏山 在縣治東五里 分木山 在縣治東五里 土樓山 在縣治東

四十里 角帶圍山 在縣治東 屬鳳山 縣猴洞山 在縣治東

十五里 香洋山 在縣治東 嶺若遠 若合若離 虎頭

山 在縣治東 嶺若遠 若合若離 虎頭

環拱郡學形兆大崎越嶺 在縣治東 內門嶺 在縣治東

雁門關嶺 在縣治東 七鯤身 在縣治東 內門嶺 在縣治東

至處多居民如貫珠不疎身有居民再許為三鯤

身又里許為四鯤身又里許為五鯤身又里許為六鯤

內為大港採捕之人多居之赤嵌筆談云康熙辛丑我

師與賊戰於鯤身正值炎 鹿耳門 在縣治西 中浮沙突起

險行船形如鹿耳門接壤其南即安平鎮中一港 海翁線 在縣

名大港紅毛時水深夾板山人今於淺 海翁線 在縣

此海一十二里不知其幾千里其南有一條自南港口起至淡

號海翁窟上名隙子臺江 在縣治西 門外大港

南載今據沈文開興地圖考增人志 二贊行溪 在縣治

里合岡山紅毛寮一溪由喜樹港入海 分水溪 在縣治

門受石門坑水匯為長潭清瑩可鑑 漢岡山溪 在縣治

後臺鳳二邑交界 紅毛寮溪 在縣治 東三十咬狗溪 在

內山下流為許寬溪 許寬溪 在縣治 東一十五里由

會葛卓猴溪 在縣治 東三十里發源於卓猴後 大目降

溪 在縣治 東三十里發源於卓猴後 大目降

三	肆	十	北	衆	在	溪	二	口	聯	風	可	舟	一	橋	溪	港	目	洋	狗
保	紛	里	一	流	縣	下	贊	受	北	不	泊	其	條	港	源	西	子	溪	洋
到	錯	大	流	經	治	贊	行	網	至	泊	西	其	條	港	源	西	子	溪	洋
臺	舊	井	經	海	北	行	深	洲	洲	巨	南	西	條	港	源	西	子	溪	洋
曾	志	開	會	寺	三	溝	在	流	尾	外	為	南	條	港	源	西	子	溪	洋
於	云	西	過	許	里	出	角	港	受	餘	大	南	條	港	源	西	子	溪	洋
此	開	定	大	俗	許	縣	帶	內	新	大	洋	安	條	港	源	西	子	溪	洋
井	鑿	坊	橋	名	大	東	圍	四	寬	安	平	鎮	條	港	源	西	子	溪	洋
取	莫	來	臺	石	橋	十	內	山	可	鎮	港	在	條	港	源	西	子	溪	洋
水	知	聚	目	紫	山	里	其	坑	流	港	在	縣	條	港	源	西	子	溪	洋
又	年	人	繁	頭	紫	其	水	無	西	在	鹿	耳	條	港	源	西	子	溪	洋
傳	代	在	商	港	頭	水	淺	入	千	縣	耳	門	條	港	源	西	子	溪	洋
係	相	此	賈	海	港	源	而	受	艘	與	門	外	條	港	源	西	子	溪	洋
紅	傳	登	口	源	海	受	長	鄉	喜	鹿	西	之	條	港	源	西	子	溪	洋
毛	明	岸	盛	填	名	鄉	流	魚	樹	耳	門	七	條	港	源	西	子	溪	洋
所	宣	名	填	海	曰	魚	源	潭	港	門	一	七	條	港	源	西	子	溪	洋
濬	德	曰	填	海	大	潭	源	在	南	七	五	條	港	源	西	子	溪	洋	
紅	間	為	填	海	大	潭	源	在	南	七	五	條	港	源	西	子	溪	洋	
毛	太	宅	填	海	大	潭	源	在	南	七	五	條	港	源	西	子	溪	洋	
蔡	監	市	填	海	大	潭	源	在	南	七	五	條	港	源	西	子	溪	洋	
赤	王	頭	填	海	大	潭	源	在	南	七	五	條	港	源	西	子	溪	洋	

敬城恐有火患鳥鬼井在大鎮北坊紅毛所鑿水源甚盛
 鑿此井以制之

鳳山縣 鳳山 在縣治南三十里橫列名邑治東南形若飛

錯落如鳳卵曰鳳潭山又邑治之拱對案山也小滾水

山在縣治南十五里許大瑯嶠山在縣治南二里綿亘蜈蚣嶺

左山高而險朝華離山在縣治南一百七十里二網翠山在縣治南

下有生香葱翠周園三百餘里海中突起一峯蒼鬱

里小琉球山在縣治南一百餘里海中無人居多產竹木

擲子下多巉巖曰石船阜南覓山在縣治南二里相聯

沙馬磯頭山在縣治南三百八十里與網翠山為指南直抵老

佛山在縣治南三百八十里與網翠山為指南直抵老

五里起伏盤曲中一峯屹立若菩提大龜文山在縣治南

蘆端坐衆小峯拱峙於側故名

與卑南竟 芋炮山 在縣治東南七十里 大鳥萬山 在縣
 山相連 芋炮山 與諸邑內優山連界 大柴高山 在縣
 南二百七十里 自朝華至此山皆背 大柴高山 在縣
 立於傀儡山後 與網翠老佛山連界 大柴高山 在縣
 南三霄馬千山 在縣治東南赤山 在縣治東十里 由鳳
 百里 霄馬千山 在縣治東南赤山 在縣治東十里 由鳳
 衍時有火出其上 又有自鳳而於 傀儡山 在縣
 東北者 亦名曰赤山 以土色赤而故名 傀儡山 在縣
 里 聳出重霄 常帶雲霧 上為野蠻所居 人跡罕到 內
 地舟至澎湖 卽見此山 南為蜈蚣嶺 過嶺為山 後矣 崇
 爻山 在傀儡山後 不彌濃山 在縣治東十里 北葉山 在縣
 里 傀知 道里遠 迨不彌濃山 在縣治東十里 北葉山 在縣
 之分支 也 大滾水山 在縣治東十里 七星山 在縣
 音山之北 七峯尖山 在縣治東十里 七星山 在縣
 上石園密如星 尖山 在縣治東十里 七星山 在縣
 在縣治北七里 自岡山 迤邐而龜山 在縣治北
 南迤邐 邑治形如列屏 故名 龜山 在縣治北
 陰密小岡山 在縣治北 大岡山 小岡山 相聯不甚高 大
 藪 密小岡山 在縣治北 大岡山 小岡山 相聯不甚高 大
 岡在北小岡在南 兩相對峙 澎湖東頭 卽見大岡山 與
 冠爲紗帽石內地舟來臺過澎湖東頭 卽見大岡山 與

灣猴洞 諸山 諸羅南 溪底山 在縣治西北十五里 平
 馬仙山 相接處也 溪底山 在縣治西北十五里 平
 有小竅 出水流 若霖 在縣治西南七里 俗呼爲打
 雨泥淖 其深無底 打霖 在縣治西南七里 俗呼爲打
 又名蛇山 在邑治右 隔海參差 遠近浮沉 而列於打霖
 山左右 者 西有石佛石佛之北 有石塔石佛之南 有涼
 傘巒舟人 經此 旗後山 在縣治西北二十里 蜈蚣
 必鳴 金焚紙錢 旗後山 在縣治西北二十里 蜈蚣
 嶺 在縣治南 石塔嶼 在縣治西北七里 石佛嶼 在縣
 治西十五里 巴六溪 在縣治東南五里 涼傘嶼 在
 治西十五里 巴六溪 在縣治東南五里 涼傘嶼 在
 與皆屹立 海中 巴六溪 在縣治東南五里 涼傘嶼 在
 水溪 在縣治東 南三十里 源從巴六溪 來過大澤機社
 迴數十里 與赤山之濁水溪 在縣治東北三十里 源出
 冷水溝 合流入海 濁水溪 在縣治東北三十里 源出
 流亦濁 南合小岡山之水 受大澤機西溪 在縣治東北
 鯽魚潭 流會彌陀港 入海 大澤機西溪 在縣治東北
 從大澤機 西南山出 北過搭樓社 東與北溪合 轉大澤
 而西北 流入阿猴溪 西爲淡水溪 會於東港 入海 大澤
 機北溪 在縣治東北 西流至搭樓社 東轉而西北 與阿
 羅漢門社 南北四流 至搭樓社 東轉而西北 與阿

猴溪合西為淡水岡山溪在縣治北三十五里源出大
溪會於東港入海長治力溪在縣治西六十里其源
里為二贊行溪經長治力溪發於東南大山會東港
里合喜樹港入於海
海放線溪在縣治西七十里源出於東南大山經放
東港在縣治東中港轉而東過上淡南五里潮過赤山
海關帝港在縣治東轉而東過上淡南五里潮過赤山
流入關帝港在縣治東轉而東過上淡南五里潮過赤山
三年經里民俗清自府港直達縣治之彌陀港民甚
之嗣為港邊礙裏相美二墟奸民藉端抽稅互相爭
因而禁塞取運悉由外洋多有不測乾隆二十四年
府覺羅四明檄委臺灣知縣夏瑚鳳山知縣秦其焜會
勸捐奉疏挑挖仍通舟楫並飭二縣
每歲秋季挑挖一次以免壅塞
港北在縣治西彌陀港在縣治西北二十里丹港在縣
其北為竹仔港打鼓港在縣治西北二十里丹港在縣
再北為蟻港打鼓港在縣治西北二十里丹港在縣
前鎮港又入為鳳山冷水港在縣治東南四十五里俗
港北入為硫磺港

湯泉有處一在大滾水山不甚高其上漢湧出泉而無定
故名相去龍目井在阿猴林內竹仔寮為小竹橋觀音
十餘里沉疴者
飲其水即愈

諸羅山 大武巒山 在縣治後東南人消離山 在縣治東

鹿馭山 在縣治東虎頭山 在縣治東南內加拔山 在
治東南環包山 在縣治東烏山 在縣治東南東西烟山
一在縣治東番米基山 在縣治東南一百二十里玉案出
在縣治東南一百里番米基山 在縣治東南一百二十里
南亦邑治左臂位踞雜明為學官對山 大石門山 在縣
北亦邑治左臂位踞雜明為學官對山 大石門山 在縣
南亦邑治左臂位踞雜明為學官對山 大石門山 在縣
十縣治東泉湧火出水中嵌頭山 在縣治東四十里皂羅袍山
在縣治東泉湧火出水中嵌頭山 在縣治東四十里皂羅袍山
多石治東泉湧火出水中嵌頭山 在縣治東四十里皂羅袍山
在縣治東泉湧火出水中嵌頭山 在縣治東四十里皂羅袍山
八十縣治東泉湧火出水中嵌頭山 在縣治東四十里皂羅袍山
在縣治東泉湧火出水中嵌頭山 在縣治東四十里皂羅袍山

里十	坑山	山在	大北	則封	步練	治一	右俱	六在	山挺	南八
牛朝	山在	相在	日十	雲如	練山	左里	為為	十縣	步在	步如
山在	北在	接在	根里	霧紗	南在	肩為	邑外	治東	縣在	老里
旋左	四在	自東	一合	籠香	縣八	邑輔	治阿	大里	十東	翁扶
蛇西	十在	旋北	名覆	篆冬	治十	大武	里山	利山	里赤	山在
伏于	北在	為邑	金福	日晴	玉山	營山	遼在	六在	南在	極險
草地	十在	治右	山福	非風	也人	百在	內有	十在	五在	天際
尾有	里在	有武	俱東	即雨	乃得	二在	東八	里東	十東	登春
小山	五在	鼎蓋	為北	甚見	有至	十在	社一	鹿埔	里東	箕湖
迎於	里在	槩山	邑十	頃大	三武	里東	馬大	山在	十在	山在
水口	十在	山北	治右	福興	並列	一武	欄山	里與	五在	南在
為自	四在	梅山	里東	山治	終在	南二	佛山	鹿楮	里東	縣治

何里	歷在	三諸	界出	石蚊	溪嶺	在臨	海臨	鯤聚	里鎖	邑治
拔源	他縣	疊羅	歐溪	仔仔	北北	縣縣	大八	身與	北門	治半
度泉	里治	溪界	汪瀨	入瀨	滙滙	治治	掌掌	七青	門與	嶺月
西里	霧北	為為	過過	海海	於於	南南	溪溪	身身	在在	天在
合山	莊二	加加	赤山	灣裏	內內	四四	溪溪	五在	縣縣	際際
虎過	至五	拔拔	新港	溪山	口口	里里	溪溪	里在	西西	形形
尾竹	雙溪	溪溪	流流	過過	海海	仔仔	溪溪	而而	南南	似似
山脚	口發	源源	洲洲	武武	七七	十十	壠壠	發發	五五	上上
入寮	奧源	奇港	仔仔	壠壠	山山	合合	卓卓	入入	十十	弦弦
丁海	為溪	洽洽	阿阿	山山	八八	里里	猴猴	海海	八八	之之
虎尾	合山	山山	寮寮	山山	十十	卓卓	出出	南南	十十	月月
溪溪	阿阿	莊莊	入入	海海	里里	源源	鳴鳴	壠壠	十十	故故
五里	在縣	歷歷	海海	溪溪	源源	出出	吧吧	山山	十十	名名
源治	北北	石石	龜龜	山山	為為	木木	岬岬	社社	十十	荷荷
出水	六十	龜龜	溪溪	山山	十十	灣灣	內內	重重	十十	包包
沙十	治治	山山	溪溪	山山	十十	灣灣	內內	重重	十十	與與

達內山過水沙連社合蒲丹社之濁流西過黃地崙布
 與臣白沙墩之北至臺仔挖入海溪南屬諸羅界溪北
 屬彰化界水濁而逃泥沙滾滾人馬牛車渡此疾行稍
 緩則有沒腹埋輸之患夏秋水漲有竟月不能渡者
 半朝溪在縣治西五里發源大武壠山歷大福興山九
 重溪在縣治西十八里至猴樹港南出青峯關入海
 十鐵線橋港在縣治南五里洋子港在縣治南源出
 里鐵線橋港在縣治南五里洋子港在縣治南源出
 為洋子港新港之北東入為灣港寮港直加弄港入
 西港子含西港含西之支分為卓加港西南入於海茅
 港尾港在縣治南六土地公港在縣治西北笨港在縣
 三十里由三冬港在縣治西里猴樹港在縣治西南入
 南出青峯鹽水港在縣治西南入井水港在縣治西
 鹽水港分支蚊港在縣治西南六十里西面臨海從青
 於北為是港蚊港在縣治西南六十里分為三支北為
 港倒風港在縣治南為茅港尾港西南為麻豆港麻豆南曰灣

裏龜子港 在縣治西南六十里灣港 在縣治西南七十五里宜加弄

港 在縣治西南八十五里西港 在縣治西南八十五里竿寮港 在縣治西南八十五里

含西港 在縣治西南八十五里卓加港 在縣治西南八十五里

馬沙溝 在縣治西南八十五里溫泉 在玉山山下有土番至者云

蒸騰如沸 紅毛井 在縣署左鑿自荷蘭因名方廣六尺

凡數處 汲飲是井則不犯痲癘今更 名蘭井為邑治八景之一

彰化縣 大武壠山 在縣治東南四十里由牛相觸分內

木柵山 在縣治東牛相觸山 在縣治東南六十里

牛奮角相觸中隔一溪溪南為諸羅阿拔泉山 在縣治

斗六門界溪北為彰北大武壠山西北經阿拔泉山 在縣治

竹脚寮山西轉即為諸羅之阿拔泉渡 太平頂山 在縣

臺灣府志 卷之一 山川 左

治東四北投山 在縣治東五十里
 在縣治東七十里內
 有埔漢人耕種其中
 大吼山 在縣治東四十九里
 觸口內觸口山 在縣治東南六十五里
 爐山南連清水溝山
 牛穩格山 在縣治東九十里
 四番社隔湖貢山
 山卓略山 丹山頭圍山
 眉山致霧 樸仔籬山 在縣治東九十里
 山福骨山 樸仔籬山 在縣治東九十里
 廣漠平沙孤峯秀出其下
 為半線營嶼北為嶺社
 斜火燄山 在縣治東七十里
 照火燄山 在縣治東七十里
 里登臺山 在縣治東北
 在縣治東 貓霧棟山 在縣治東北
 北五十里 大穀埔山 在縣治東北三十里
 有埔漢人耕種其中
 大肚山 在縣治東
 沙轆山 在縣治北
 牛罵

治北十七里與寮望山
 後為貓霧棟社護彰化縣治
 山在縣治北 岸裏山 在縣治北
 四十五里 東螺溪 在縣治東
 無際空 直加連嶼 在縣治東
 而西過馬辰樹仔脚
 海豐港入海遵海而北
 羅溪 在縣治東北
 縣治東南六十里
 齊下瀆為大湖匯
 五十里源出內山
 蘆肚運城頭坑會
 入貓羅溪 大肚溪
 沙連九十九峯之北
 淡彰交 牛罵溪
 界處 牛罵溪
 發岸專社內山過
 山南分於牛罵溪
 西入海 海豐港
 大甲溪 在縣治北
 蛤滿溪 在縣治北
 濁水溪 在縣治北
 萬丹溪 在縣治東
 萬丹溪 在縣治東
 萬丹溪 在縣治東
 萬丹溪 在縣治東

臺灣府志 卷之一 三

三林港 在縣治西南四十里魚商船到此載芝蔴粟豆

裏港 在縣治北二十里蘇粟豆港水入至二林社止水

淡水廳 香山 在縣治南十里嘉志閣山 在縣治南六十里老衢山 在縣治南

十五里大甲山 在縣治南百里後壠山 在縣治南四十五里蓬山 在縣治南

里銀錠山 在縣治東南九十六里宛里山 在縣治東南八十五里南

日山 在縣治東南南九十里礁老叭山 在縣治東南五

十五里亦名打那拔山 在縣治東南南六十里交眉山 在縣治

峯錯落近海在宛裏山北 在縣治東南南六十里南山 在縣治

治東南七十里合歡山 在縣治東南南六十里南山 在縣治

里生番所居 在縣治東八十里 礪山 在縣治東一百八十里其土生

社西極港口循港而東為關渡門釋海記遊云問番人

硫土所產指茅廬後山鹿間明白坐蟒甲申命二番兒

操楫緣溪入溪盡為內北投社呼社人為導轉東行半
里八茅棘中勁茅高丈餘兩手排之側體而八炎日薄
茅上暴氣蒸鬱悶甚草下一漚透迤僅容茲伏從者
五步之內已各不相見慮或相失各聽呼聲為近遠
約行二三里渡兩小藤纏結其上若虬龍環繞風過葉
落有大如掌者樹上禽聲萬變耳所聞目不得覩其
狀涼風襲肌幾忘炎暑復越峻地五六值大溪廣四
五丈水瀑瀉石間與石皆作聲之猶熱甚扶杖躡巉
出疏穴下是沸泉也余以一指試之山半麓白氣縷縷
石底漸熱視草色萎黃無生意望前山又步一小巔巖
履底雲乍吐搖曳青嶂間導人指曰是硫穴也風至硫
氣甚惡更進半里草木不生地熱如炙左右兩山多巨
石為硫氣所觸剝蝕如粉白氣五尺許衣即穴傍視之聞怒
激而沸氣所觸剝蝕如粉白氣五尺許衣即穴傍視之聞怒
雷震蕩地底而驚濤與沸鼎聲聞之復從視之聞怒
人心悸蓋周廣百畝間實一大沸鑊余身乃行鑊蓋上
所賴以不陷者熱氣鼓之耳右傍巨石問一穴獨大思
巨石無陷理乃即石上俯瞰之穴中毒酸撲人目不能
視觸腦欲裂急退百步乃止左傍一溪聲如倒映即沸
泉所出源也還就深林小憩循舊路還衣染硫氣累日

不小龜崙山在廳治東一百里
 散南日諸山之北後龍崙盤礴
 障南日諸山之北後龍崙盤礴
 遙接關渡門諸社及查內山
 鷄籠山在廳治東北二百五十里
 治東北三蛤子難山在廳治東一百五十里
 十五里在廳治東北一百五十里
 海山在廳治東北一百五十里
 北一百八小鳳山在廳治北一百八十里
 十五里在廳治北一百八十里
 內有新附五社南嵌山在廳治北一百八十里
 大遯山在廳治北一百八十里
 內山烟霧起屹立於淡水港東
 可枚舉諸山起於淡於此八里
 西雄偉傑出於淡於此八里
 東南是為東南之鎮山小雞籠
 石中空如金包裹山在廳治北一百八十里
 門為石門

自雞籠山分支東渡八尺門港雙峯遙峙高不可
 極山南為蛤仔難三十六社生番所居人跡罕到
 山治西南七十里大雞籠嶼在廳治東北一百八十里
 在廳治東北一百八十里
 舊址偽鄭與日本交易處上建石城即郡城八景之雞
 籠積雪也臺地無霜雪獨此與極北寒甚冬有積雪今
 設汛防其地以在大海中欲至其渡獅毬嶼在廳治東北一百八十里
 地必先舉烽火社番駛艇以渡獅毬嶼在廳治東北一百八十里
 濱海有大山如獅小嶼如毬又名桶盤嶼在廳治東北一百八十里
 為牛月沉江與峯紫峙嶺北連界桶盤嶼在廳治東北一百八十里
 里屹立海中離大雞籠水燭臺嶼在廳治東北一百八十里
 程八里此處可泊巨艦
 嶼在廳治東北一百八十里
 在廳治東北一百八十里
 北燭臺更離大雞籠在廳治東北一百八十里
 北燭臺更離大雞籠在廳治東北一百八十里
 立或歌形狀奇古跳石在廳治東北一百八十里
 籠城跳石而行計長四
 十五里惟士番能之

社西入於中港後壠溪在廳治南四十五里源發菴裏山
 之北出於海後壠溪在廳治南四十五里源發菴裏山
 嘉志閣溪在廳治南六十里源發菴武乃山出南日礁
 老叭港二山之南為礁大安溪在廳治南九十二里險如
 必待水落邊海而行源發水沙連內山北過岸裏南日
 二山支分於南日社之後者日房裏溪支分於銀錠山
 於雙寮海口而入於海蓬山溪在廳治南一百一十里
 山又西為鳳山溪在廳治東北十里源發查內海霄裏溪
 港八海為鳳山溪在廳治東北十里源發查內海霄裏溪
 在廳治東北田厝溪在廳治東北一百一十里源發八里
 九十五里田厝溪在廳治東北一百一十里源發八里
 豆溪在廳治東北八里源發八里山朝溪
 在廳治東北三百五十五里竹塹溪在廳治北十五里潮
 里八尺門之南東為大海竹塹溪在廳治北十五里潮
 水又東行受查大溪在廳治北五十里源發自查內山
 內山水西入海大溪在廳治北五十里源發自查內山
 田厝溪茄冬溪合北內山之流為霄裏溪過小龜崙山
 滙於南嵌社為南嵌港西入於海自大溪以下五溪水

底皆礦溪在廳治北一百八十五里源發菴山內過內
 石門港眩眩溪在廳治西五里源發眩眩內山合隣仔
 東門港眩眩溪在廳治西五里源發眩眩內山合隣仔
 海吞霄溪在廳治西南七十里源發南中港在廳治南
 勞施港在廳治南一百一十里源發蓬山港在廳治南一百三
 此人港口多石商蛤仔難港在廳治東北五百五十里
 船到北其芝蔴社淡水港在廳治北二百一十里海口水
 散處於港之左右社淡水港在廳治北二百一十里海口水
 往來俱用螺甲填內可泊大舟數百內地奇船間亦到
 此八尺門港在廳治北二百一十里雞籠港在廳治北
 治北二百五十五里三面皆山獨北面漸海港造船港在
 口又有雞籠桶盤二巖包裹周密可泊商船
 十五里南嵌港在廳治西北一百三十里自竹塹至南
 者潮過小鳳山至南嵌社南受查溫泉在山朝龍目井
 內山水東受開渡門水西入海溫泉在山朝龍目井

在大雞籠山之麓下臨大海四周斥鹵泉湧如珠濱地而起獨甘冽冠於全臺不知開自何時大約荷蘭所濬也

澎湖廳

虎井嶼

在廳治南水程二十里

雞籠嶼

在廳治南水程八里

桶盤嶼

在廳治南水程十二里

金雞嶼

在廳治南水程五十里

南嶼

在廳治南水程一百里亦稱大

真布袋嶼

在廳治南水程五十里

八罩山嶼

在廳治南水程八里居民稠密

鐵

砧嶼

在廳治南水程七十里有石頭中嶼

在廳治南水程七十

里以形將軍嶼

在廳治南水程五十里

馬鞍嶼

水程五十里

狗沙嶼

在廳治南水程五十里

治南水程

半坪嶼

在廳治南水程七十

里一名

鐘仔嶼

在廳治南水程七十

船擊破

人入水探銀故名

味銀嶼

西吉嶼

在廳治東南水程八十里

香爐嶼

在廳治東

陽嶼

在廳治東水程四十五里

必驗此以定去向

大山嶼

在廳治東北水程四十五里

名

奎壁嶼

在廳治東北水程四十五里

虎皆此

險礁嶼

在廳治北水程四

有南北

籃笨嶼

在廳治北水程三

員貝嶼

在廳治北水程三

吉貝嶼

在廳治北

中墩嶼

在廳治北水程十五里

在廳治北

姑婆嶼

在廳治北水程十五里

形如人眼

又名月眉

大倉嶼

治北水程

五十五里

空壳嶼

里不生一

物故名

土地公嶼

水程三

鳥嶼

在廳治北水程三

十六里

丁字門嶼

在廳治西北水程三十里

大貓嶼 在廳治西水程六十里
 小貓嶼 在廳治西水程六十里
 烈花嶼 在廳治西水程五十里
 草嶼 在廳治西水程八十里
 墨嶼 在廳治西水程八十里
 西嶼 在廳治西水程二十里
 四角仔嶼 在廳治西南水程五里
 天后澳 在廳治西水程八十里
 湖中央即媽宮澳澎湖廳駐劄處澳者
 案山仔澳 在廳治南水程六十里
 就泊船之處而言各澳即在廳中
 雞母灣 在廳治南水程六十里
 亦稱雞母塢四面風櫃
 尾澳 在廳治南水程二十里
 禪坡澳 在廳治南水程二十里
 之時裏澳 在廳治南水程二十里
 猪母落水澳 在廳治南水程二十里
 按毛潭澳 在廳治南水程二十里
 西坡澳 在廳治南水程五十里
 網坡 在廳治南水程五十里
 布袋澳 在廳治南水程五十里
 大花宅澳 在廳治南水程五十里
 水程五里即挽布袋澳 在廳治南水程五十里
 水坡澳 在廳治南水程五十里
 在廳治南水程五十里
 花宅澳 在廳治南水程五十里
 承質澳 在廳治南水程五十里
 雙頭掛澳 在廳治南水程五十里
 東西衛澳 在廳治南水程五十里

釣澳 在廳治南水程五十里
 承質澳 在廳治南水程五十里
 雙頭掛澳 在廳治南水程五十里
 東西衛澳 在廳治南水程五十里
 少內澳 在廳治南水程五十里
 文良港澳 在廳治南水程五十里
 名墨 在廳治南水程五十里
 林投澳 在廳治南水程五十里
 明子澳 在廳治南水程五十里
 文澳 在廳治南水程五十里
 里即 在廳治南水程五十里
 奎璧港澳 在廳治南水程五十里
 蚌脚嶼澳 在廳治南水程五十里
 紅羅草澳 在廳治南水程五十里
 毛城澳 在廳治南水程五十里
 港尾澳 在廳治南水程五十里
 至鎮海之西人赤嵌澳 在廳治南水程五十里
 小赤嵌澳 在廳治南水程五十里
 城前澳 在廳治南水程五十里
 後寮澳 在廳治南水程五十里
 治北二里五里以吉貝澳 在廳治南水程五十里
 沙港 在廳治南水程五十里

底澳 在廳治北二十里 以 西 溪澳 在廳治北十九里 白猿坑

澳 在廳治北二十里 青螺澳 在廳治北二十里 后窟潭澳 在廳治西北三里一名潭

邊 通樑港潭 在廳治西里 橫礁澳 在廳治西北水程小門

澳 在廳治西水程三 小果集澳 在廳治西水程二 新城澳 在廳治西

治西一里亦 竹篙灣澳 在廳治西水程二十五里西與

稱烟墩脚 處日南吼門大北門 人果集澳 在廳治西水程二十六

波濤洶湧 俗呼為 牛心灣澳 在廳治西水程二十里即 緝馬灣澳

師公礁 在廳治西水程十五里 大池角澳 在廳治西水 小池角

西頭之南 北風可高泊 程十八里 內塹澳 在廳治西水程二十

外塹澳 在廳治西水程二十一 里二塹在 水程二十

附考

臺地諸山似皆西向 皇輿圖皆作南北向初不解後

有閩人云臺山發軔於福州鼓山白閩安鎮官塘山白

犬山 與前關同白 過脈至雞籠山故皆南北峙立往來

日本琉球海船率以此山為指南 似樣

臺地諸山本無正名皆從番語譯出 赤嵌

大海洪波止分瀾逆凡往異域順勢而行惟臺與厦藏

岸七百里號曰橫洋中有黑水溝色如墨曰墨洋驚濤

鼎沸險冠諸海或言順流而東則為弱水昔有閩船飄

至弱水之東閱十二年始得還中土 赤嵌

由大登出洋海水深碧或翠色如靛紅水溝色稍赤黑

水溝如墨更進為淺藍色入鹿耳門色黃白如河水 赤嵌

筆談

泛海不見飛鳥則漸至大洋近島嶼則先見白鳥飛翔

赤嵌集

海吼俗呼海叫小吼如... 訇訇點點作散豆聲乍遠乍近若斷若連... 流聽之有成連鼓琴之致大吼如萬馬奔騰鉦鼓響震三峽... 流萬鼎共沸惟錢塘八月怒潮差可彷彿觸耳駭愕全常濡足海岸俯瞰溟渤而靜淥淵濤會無波濤不知擊之何從出然遠海雲氣已漸興而風雨不旋踵至矣... 上人習聞不怪曰是雨徵也若冬月吼常不雨多主... 科海紀遊
廈門至澎湖水程七更... 湖至鹿耳門水程五更志約

六十里為一更亦無所據按樵書二編云更也者一日一夜定為十更以焚香幾枝為度船在大洋風潮有順逆行使有遲速水程難辨以木片於船首投海中人從船首速行至尾木片與人行齊至則更數方准若人行至船尾而木片未至則為不上更或木片反先人至船尾則為過更皆不合更也舟子各洋皆有秘本云係明王三保所遺余借錄名曰洋更赤嵌筆談
玉山在萬山中其山濁高無遠不見巉巖峭削白色如銀遠望如太白積雪四面攢峯環繞可望不可即皆言此山渾然美玉番人既不知寶外人又畏野番莫敢向邁每晴霽在郡城望之不啻天上白雲也番境補遺

大岡山之頂蟻房壳甚多滄海桑田亦不知其何時物也山上有鴻雨則水滿山陰有古石洞莫測其所底或以瓦擲之官然無聲相傳其下通於海云舊志

港西里赤山之頂不時山裂湧泥如火燄隨之有火無烟取薪芻置其上則烟起名曰火山鳳山志

南仔仙山後有火出石畔撲之亦滅吹之輒起臺灣風土記

仙人山在沙馬磯頭其頂常帶雲霧非天朗氣清不得見也故老言時有絳衣縞衣者對奕說近無稽然生成

之石棋盤棋凳猶存鳳山志

諸羅菰羅菰霧二山之東山上晝常有烟夜常有火在

野番界內人跡罕到舊志

玉峯山後山之麓有小山其下水石相錯石罅泉湧火出水中燄無烟焰發高三四尺晝夜不絕置草木其上則烟生燄烈皆化為燼同

入大武郡山行十餘里有石湖其社曰茄老網湖大里許天將雨湖輒水漲丈餘或以為湖底有眼通海同上

水沙連四周大山山外溪流包絡自山口入為潭廣可七八里曲屈如環圍二十餘甲水深多魚中突一與番

繞與以居舊志以種稻謂之浮田隔岸欲詣

架竹木浮水舊志藉草承之以渡嶼圓淨開爽青嶂白

社者必舉火為號番划蟒甲以渡嶼圓淨開爽青嶂白

水連潭在半線方廣二丈餘形若井崇山環列天將風雨則水漲發聲如潮番民以占陰晴上同

八里盆潭在八里盆山絕頂形三角類人力為之周可數畝清深莫測土番間因逐鹿而至漢人罕能陟也諸羅志

劍潭在北淡水大浪碇社二里許番划艚舢以入水甚濶有樹名茄冬高聳障天大可數抱峙於潭岸相傳荷蘭人插劍於樹生皮合劍在其內因以為名臺灣志

關渡門從淡水港東入潮流分為兩支東北由麻少翁搭搭悠凡四五曲至峯紫峙西南由武勝灣至擺接各數十里而止包絡原野山環水聚洋洋乎巨觀也諸羅志

凡水皆東流邑治之水獨西臺海在西三邑攸同也閩粵間水源自山淮流揚波謂之溪溪漸於海潮汐應焉謂之港海汊無源潮流而瀦隨其所到以為遠近亦謂之港上同

大岡山狀如覆舟天陰埋影晴霽則見上有仙人跡鐵菴兒碇龍耳甕在焉相傳國有大事此山必先鳴臺灣紀畧

奇冷山即奇嶺社之山高百丈臺灣最暖此山獨積雪至春杪不化上同

由斗六門東入渡阿拔泉又東入為林璣埔亦曰二重埔土廣而饒環以溪山為水沙連及內山諸番出入之口險阻可據有路可通山後哆囉滿諸羅志

山川

形勝

臺灣府東抵羅漢門莊內門六十五里走日中路西抵澎湖

湖三百二十里水程四里計一百四十里南抵沙馬磯頭

四百六十里是日南路北抵雞籠六百二十四里是日

北路東西廣三百八十五里南北袤一千九十四里

臺灣縣附郭東至羅漢門莊內門六十五里西至海三里南

至二贊行溪鳳山縣界二十里原至依仁里交界僅北

至新港溪諸羅縣界二十里溪以南有新港社新化里

溪南屬臺灣廣六十八里袤四十里溪北屬諸羅

鳳山縣東至港西旂尾溪五十五里東南歷大澤機西至

打鼓港一十里南至沙馬磯頭三百七十里北至二贊

行溪臺灣縣界五十里廣六十五里袤四百四十五里

距府九十里

諸羅縣東至大武巒山二十一里西至大海三十里南至

新港溪臺灣縣界八十里北至虎尾溪彰化縣界五十

里廣五十一里袤一百三十里距府一百里

彰化縣東至南北投大山二十里按內山深處難以里計

西至人海二十里南至虎尾溪諸羅縣界五十里北至

大甲溪四十里廣四十里袤九十里距府二百里

淡水廳駐竹塹東至南山十里西至大海七里南至大甲溪

一百一十九里北至大雞籠城二百七十五里廣十七

里袤四百八十四里距府三百五十九里

澎湖廳東至東吉嶼八十里西至草嶼八十里南至南嶼
一百里北至目與八十里距府二百四十里皆係水程故不計廣
表

臺灣府處大海之中坐東南面西北為江浙閩粵四省之

外界諸島往來之要會福建海防志緣高邱之阻以作屏臨

廣洋之險以面勢蓉州文稿澎湖為門戶鹿耳為咽喉鳳山縣志

七鯤身毗連環護三茅港滙聚澄泓客同誠天設之險方與

紀為海疆最要平臺異同郡中八景曰東溟曉日西嶼落霞

安平晚渡沙鯤漁火鹿耳春潮雞籠積雪澄臺觀海斐

亭聽濤

臺灣縣東倚層巒西迫巨浸島上附傳木岡山高聳特拔羅漢

門局勢宏敞臺灣志畧外環大海雲漲霞平內阻重山沙迷

霧列客問極東南之奧諸羅雜記扼鳳諸之冲臺灣風土紀控南澳

阻銅山蓉州文稿邑中八景曰木岡挺秀蓮湖飄香北線廻

瀾赤嵌遠眺龍潭夜月金雞曉霞并亭夜市郡圃榕梁

縣志八景作鹿耳連帆鯤身集網赤嵌夕照金雞曉霞鯽潭霽月雁門烟雨香洋春禱旗尾秋蒐

鳳山縣址因故鎮鹿耳門即事僻處海邊臺灣風土記蔥鬱宏開離

奇盤結客問大岡小岡嶢岬嵬崔半崩半屏參差富嶸臺灣賦

磯聳沙馬林險阿猴臺灣志畧傀儡高峯近接天際琉球

孤嶼遠映海中縣志邑中八景曰鳳岫春雨泮水荷香瑯

嶠潮聲岡山樹色翠屏夕照丹渡晴帆淡溪秋月球嶼

曉霞

諸羅縣全臺鎖鑰逕道蜿蜒宋永清論南自新港北至虎尾臺灣

風土記 壘岫參差連岡撼戛客問 白玉山插翠青霄大武隴

深入邃海臺灣志畧 其龍從之迴環者不可紀極其浩瀚之

奔流者無不朝宗舊志 千里之雄圖上流之要地縣志 邑中

八景曰王山雲淨龍目泉甘按龍目泉今隸淡水乾隆

定日蘭 井泉甘 樸圃風清梅坑月霽北香秋荷水沙浮巖按水

今隸彰化乾隆二十七年知 月嶺曉翠牛溪晚嵐

彰化縣壘嶂如屏連峰插漢稗海 山有火燄姑婆之奇溪

有虎尾大甲之險臺灣志畧 近防三林鹿子遠控淡水雞籠

通志 固海山之僻壤亦宇宙之奧區客問 邑中八景曰酸峯

朝霞鹿港夕照鎮亭晴雲線社烟雨虎溪春濤海豐漁

火眉潭秋月肚山樵歌

淡水聽崇山大川深林曠野臺海使 淡水江北海之津梁

客問 小雞籠蜿蜒而南烟霏霧寓峰巒不可枚舉舊志 四通

大海東結層巒使 圭心石門蓬山後壘重洋砥柱攬

浪搏潮客問 洶扼要險區也赤嵌筆談 聽治四景曰全嶺吐霧

戊臺夕陽淡江吼濤關渡分潮乾隆二十九年署

澎湖聽五十嶼巨細相間坡壠相望舊志 險口不得方舟內

溪可容千艘方輿紀要 為漳泉南戶海防志 東則海鹽西則南

澳誠天設之險方輿紀要

附考

臺灣為土番部族在南紀之曲當雲漢下流東倚層巒

西迫巨浸北至雞籠城與福州對峙南則河沙磯小琉
球近焉周袤三千餘里孤巖環繞相錯如繡島上附傳
自鷺門金門迤邐東南達澎湖巽千里風濤噴薄悍怒
激鬪瞬息萬狀于午稍錯北則墜於南風蒸南則入於
萬水朝東有不返之憂又東至鹿耳門夾以七鯤身北
線尾海道紆折僅容數武水淺沙膠雖長年三老不能
保舟不碎餘乃山羅礁湧無由以入其險不測如此同上
雞籠山崑野夷亦謂之東番萬歷四十四年倭酋取其
地東番諸山其人盛聚落而無君長習鏢弩少舟楫自
昔不通中國方輿紀畧
臺灣處大海之中地形坐東南面西北自東北而至西

南如列屏為中國江漢閩粵之外界北近海多平地可
耕土番及人民聚落以日數山背東南一望洗洋舟楫
所不到土番加磅使種戎居焉自和夷以至鄭氏皆不
能綏附聞中國盛德悉赤臣服贊其方物故我
國家邊陲極於海東數萬里置郡縣實占所未有福建海防志
臺灣在福建之東南地隔重洋形勢廣袤可至者凡千
六七百里外此則生番所居與熟番阻絕遠望皆大山
疊嶂莫知紀極可以置而不議府治南北千有餘里越
港卽水師安平鎮文有七鯤身沙線潮平可通安平港
內為水師戰艘商民舟楫止宿之地港名鹿耳門出入
僅容三舟左右皆沙石淺於焉此臺灣之內門戶也

渡至澎湖島嶼錯落有名號者三十六島澎湖溝底皆
大石參錯凡港泊有南風北風二者殊決此臺灣之外
門戶也然臺灣之可通大舟者尚有南路之打鼓及東
港北路之上淡水凡三處而惟上淡水可容多船港門
爲正也其可通小舟者尚有南路之蟻港北路之鹹水
港及八掌港笨港海豐港鹿子港大甲西上林三林中
港竹塹蓬山凡十二處而笨港并有小港可通鹿耳門
內卽名馬沙溝是也總之臺灣三路俱可登岸而惟鹿
耳門爲用武必爭之地者以入港卽可以奪安平而扼
府治也奪安平則舟楫皆在港內所以斷其出海之路
抗府治則足以號令南北二路而絕依附之門故一人

鹿耳門而臺灣之全勢舉矣或云鹿耳門爲天險門戶
而又上設礮臺防亦密矣萬一攻之不入兵法有攻堅
而瑕者亦堅其謂之何不如由北路之上淡水進兵所
謂行師如過於衽席之上者謀非不臧也而不知由北
路進兵則其勢主緩緩則必以衆而臨寡以強而併弱
出鹿耳門進兵則其勢主捷捷則有以反主客之形
控制之師而且安平不據澎湖尚孤彼賊徒者急而揚
帆不無他虞也是故覘臺灣之形勢而必講明於得入
鹿耳門之要爲最急

理臺末議

臺郡無形勝可據四圍皆海水底鐵板沙線橫空布列
無異金湯鹿耳門港路紆迴舟觸沙線立碎南礁樹白

形勝

三

旗北樵樹黑旗名曰盪纓亦曰標子以便出入潮長水深丈四五尺潮退不及一丈入門必懸起後柁乃進

赤嵌

鹿耳門內浩瀚之勢不異大海其下實皆淺沙若深水可行舟處不過一綫而又左右盤曲非素熟水道者不

敢輕入所以稱險

海紀遊

臺郡往來船隻必以澎湖為關津從西嶼頭入或寄泊嶼內或媽宮或八罩或鎮洲與然後渡東吉洋凡四更船至臺灣入鹿耳門行舟者皆以北極星為準黑夜無星可憑則以指南車按定子午格巽向而行倘或子午稍錯南犯呂宋或暹羅亦必北則飄蕩莫知所之此

入臺者平險遠近之海道也至若臺灣郡治之海道自

鹿耳門北至雞籠九更自鹿耳門南至沙馬磯頭十

一更苟遇颶風北則墜於南風烝去不可復返南則

入於萬水朝東皆極險此又居臺者之不可不知也

舊志

放洋全以指南針為信認定方向隨波上下日針路船

由浯嶼或大嶝放洋用羅經向巽已行總以風信計水

程遲速望見澎湖西嶼頭備與花嶼可進若遇黑水溝

計程應至澎湖而諸嶼不見定失所向仍收泊原處候

風信由澎湖至臺灣向巽方行近鹿耳門隙仔風日晴

和舟可泊若有風仍回澎湖

赤嵌筆談

海洋汎舟固畏風又甚畏無風入海無櫓搖棹撥理千

臺海府志 卷之十一
里萬里祇藉一帆風耳自大登放洋後初渡紅水溝再
渡黑水溝臺灣海道惟黑水溝最險自北流南不知源
出何所海水正碧溝水獨黑如墨勢又稍窪故謂之溝
廣約百里湍流迅駛時覺墮穢襲人又有紅黑間道蛇
及兩頭蛇繞船遊泳舟師蒞時以楫鏹投之屏息喘喘
懼或順流而南不知所之耳紅水溝不甚險人頗泄視
之然二溝在大洋中風濤鼓浪與綠水終古不淆理亦
難明渡溝良久聞鉦鼓作於舷間舟師來告望見澎湖
矣登鷁尾高處憑眺祇覺天際微雲一抹如綫徘徊四
顧天水欲連一舟蕩漾若織埃在明鏡中

稗海紀遊

獨坐艖際時近初更皎月未上水波不動星光滿天與

波底明星相映上下一天合成圓器身處其中遂覺宇

宙皆空

海上夜黑不見一物測擊水以視一擊而水光飛濺如

明珠十斛傾撒水面晶光熒熒良久始滅亦奇觀矣

同上

離澎湖海水自深碧轉爲淡黑回望澎湖諸島猶隱隱
可見頃之漸沒人烟雲之外前望臺灣諸山已在隱現
間更進水變爲淡藍轉而爲白而臺郡山巒畢陳目前
矣

同上

海船已抵鹿耳門爲東風所逆不得入而門外鐵板沙
又不可泊勢必仍返澎湖若遇月黑莫辨澎湖島澳又
不得不重回廈門以待天明者往往有之矣海上不得

順風寸尺為艱同以舟大則舟行自宜勿突激土不掛
 海風無定亦不一同常有兩舟並行一變而此順彼逆
 禍福攸分同
 臺灣至澎湖五更澎湖至廈門七更廈門至上海四十
 七更寧波近上海一更俱由廈門經料羅在金門之南
 澳可泊數百船沿海行至惠安之崇武澳泊船可數十
 經湄洲至平海澳可泊船數百至南日澳僅容數艘南
 日至古嶼門從內港行古嶼至珠澳復沿海行二里皆
 小港南日古嶼東山沒隱見若近若遠則海壇環峙諸
 山也白犬官塘亦一泊船至定海有大澳泊船百餘至
 三沙烽火門北關澳亦如之此為閩浙交界至金香鳳

皇三弁石童雙門牛頭門盡沿海行至石浦所亂礁洋
 崎頭門舟山登厝澳盡依內港其登厝澳之東大山疊
 出即舟山地赴上海寧波至此分艚從西由定海關進
 港數里即寧波從北由羊山放大洋至吳淞進港數里
 即上海九月後北風盛尤利涉自登厝澳從西北放小
 洋四更至乍浦海邊俱石岸北風可泊於羊山與向北
 過崇明外五條沙轉西三十四更入膠州口過崇明外
 五條沙對北三十二更至成山頭向東北放洋十一更
 至旅順口由山邊至童子溝高向東沿山七更至蓋州
 向北放洋七更至錦州府赤筆談
 羅漢門在郡治之東自猴洞口入山崇岡複嶺多不知

名行數里為虎頭山諸峰環列樹惟棟櫛過大灣崎蘆竹坑咬狗坑又東南經土樓山壁平如削上則獼猴跳擲虞人張羅以捕稍前為疊浪崎出茅艸埔度雁門關嶺回望郡沿海天一色去關口里餘中為深塹可數十丈緣崖路狹不堪旋馬一失足便蹈不測五里至石頭坑四里至長潭清瑩可鑑潭發源於分水山後由羅漢門坑入崗山溪同注於海自番子寮迤邐至小烏山後入羅漢內門峯迴路轉眼界山開沃衍平疇極目數十里東則南仔仙山東方木山隔淡水大溪為旗尾山西則小烏山南為銀錠山北為分水山日猫嶽山層巒疊嶂蒼翠欲滴曠色尤堪入畫民莊凡三外埔中埔內埔

居民約二百餘口內埔汛兵五十名分防猴洞口狗勾窠諸地則寥寥三十餘人而已先是由長潭東南行至夏尾藍屏島寮轉北至外埔莊後以逆黨黃殿潛踪內埔而壅於鼓壇坑尤為奸匪出沒之所禁止往來外埔東南由觀音亭更寮崙番子路頭至大崎越嶺即為外門去六傑巔社十二里中有民居為施里莊北勢莊莊盡番地往年代納社餉招佃墾耕繼以遠社生番乘間殺人委而去之今則蕪草不可除矣自社尾莊割蘭坡嶺可赴南路由木岡社卓猴可赴北路外此羊腸鳥道觸處皆通峻嶺深谷叢奸最易土人運炭輦稻牛車往來徑路逼狹不容並軌惟約晝則自內而外夜則自

外而內因以無阻夏秋水漲坑塹皆平則迷津莫渡矣
使槎錄

上淡水在諸羅極北中有崇山大川深林曠野南連南

嶺北接雞籠西通大海東倚層巒計一隅可二百餘里

洵扼要險區也外為淡水港八里坌山在港南圭柔山

一作雞柔在港北兩山對峙夾東中流南北有二河南河源

出武勝灣行四十餘里北河源出楓仔巖行百餘里俱

至大浪泵會流出宿廛門即開渡門入淡水港曲折委宛五

十餘里而歸於海圭柔山麓為圭柔社由山西下數里

有紅毛小城高三丈圍二十餘丈今圯城西至海口徑

目平衍名虎尾今淡水管所駐也兩山南北重岡複嶺

灌莽叢翳南則武勝灣里末擺接秀朗諸社北則麻少

翁外北投內北投大浪泵麻里即吼楓仔巖諸社礪山

在內北投濱河山僅數仞寸艸不生自淡水經楓仔巖

上下十里過港至雞籠山高多石山下即雞籠社稍進

為雞籠港港道狹隘港口在紅毛石城非圓非方圍五

十餘丈高二丈遠望為小雞籠巖番不之居惟時於此

採捕循此而上至山朝社又上至蛤仔難諸社深箐鳥

道至者鮮矣南路界盡沙馬磯頭相傳地脈直接呂宋

凡舟赴呂宋必由此東放大洋有澳名龜那禿北風時

大船可泊沙馬磯頭之南行四更至紅頭巖皆生番聚

處不入版圖地產銅所用什物俱銅器同上

竹塹過鳳山崎一望平蕪捷足者窮日之力乃至南嵌
 時有野番出沒沿路無村落行者亦鮮孤客必倩熟番
 持弓矢為護而後行野水縱橫或厲或揭俗所云九十
 九溪也遇陰雨天地昏慘四顧悽絕然諸山秀拔形勢
 大似漳泉若碁置村落設備禦因而開闢之可得良田
 數千頃

同上

關渡門從淡水港東入潮流分為兩支東北由麻少翁
 搭搭悠凡四五曲至峰仔峙西南由武勝灣至擺接各
 數十里而止包絡原野山環水聚洋洋乎巨觀也

同上

淡水至雞籠有東西兩路西由八里全渡砲城循外北
 投雞柔大遯小雞籠金包裹諸山之麓至雞籠內海可
 一百二十里沿路內山外海多巨石巉巖碁峙相去數
 武其下澗水淺深不一行人跳石以渡失足則墜於水
 東由關渡門坐蟒甲乘潮循內北投大浪泵至峰仔峙
 港大水深泝灘河可四十里而登岸踰嶺十里許即雞

籠內海

同上

淡水者臺灣西北隅盡處也高山嵯峨俯瞰大海與閩
 之福州府閩安鎮東西相望隔海遙峙計水程七八更
 耳山下臨江陴隄為淡水城亦前紅毛為守港口設者
 鄭氏既有臺灣以淡水近內地仍設重兵戍守

裨海紀遊

緣海東行百六七十里至雞籠山是臺之東北隅有小
 山圓銳去水面十里孤懸海中以雞籠名者肖其形也

過此而南則為臺灣之東面東面之間高山阻絕又為野番盤踞勢不可通而雞籠山下實近弱水秋毫不載舟至即沉或云名為萬水朝東勢傾瀉捲入地底滔滔東逝流而不返二說未詳孰是

同上

淡水登舟半日即望見官塘山

一作關重

自官塘趨定海行

大海中五十里至五虎門兩山對峙勢甚雄險為閩

省門戶門外風力鼓盪舟甚顛越既入門靜淥淵渟與

門外迥別更進為城頭

土音亭頭

十里至閩安鎮數十里至

南臺大橋

稱海紀遊

澎湖島北起北山南盡八罩澳北山龍門港丁字門西

與頭倭所必由為最要地媽宮前嵵裏澳為次要地春

汛以清明前十日為期駐三箇月冬汛以霜降前十日

為期駐二箇月沿銅二寨分兵為聲援汛畢險要地各

有兵船哨守命曰小防

漳州府志

泉州順風二晝夜至澎湖溝水分東西流一過溝水則

東流達於呂宋回日過此溝則西流達於漳泉

同上

水至澎湖漸低近琉球謂之落漈漈者水趨下而不回

也凡西岸漁舟到澎湖以下遇颶風發漂流落漈回者

百無一

續文獻通考

觀澎湖諸島夏月正值南風由媽宮澳入港順駛最易

惟出港逆風未可時計或收入八罩從挽門潭上岸登

天后山四望則三十六島嶼形勢盡在目前

赤嵌筆談

澎湖島在琉球國水行五日地近福州泉州興化漳州四郡界天氣晴明望若烟霧

明一統志

海中島嶼最險要而紆迴則莫如澎湖蓋其山周回數百里險口不得方舟內溪可容千艘海中舊有三山之日澎湖其一耳東則海壇西則南澳誠天設之險何可

棄以資敵

方輿紀要

福州海中有澎湖島相去三千里晴日髣髴可見有叅將領兵駐之自福州順風而往不半日至也

玉堂叢記

澎湖僻在興泉外海其地為漳泉南戶日本呂宋東西

洋諸國皆所必經南有港門直通西洋

福建海防志

鄭成功竊踞臺灣用澎湖為外藪康熙二十二年六月

將軍施琅統兵自銅山攻破據之八月遂克臺灣

諸羅雜識

澎湖為漳泉之門戶而北港即澎湖之唇齒失北港則

唇亡齒寒不特澎湖可慮即漳泉亦可憂也北港在澎

湖東南亦謂之臺灣

方輿紀要

澎湖為宮西與頭北港八罩四澳北風可以泊舟若南

風不但有山有巖可以寄泊而平風靜浪黑溝白洋皆

可暫寄以俟潮流洋大而山低水急而流廻北之吉貝

沉礁一線直至東北一目未了內皆暗礁布滿僅存一

港蜿蜒非熟習深諳者不敢轉全

海國聞見錄

續修臺灣府志卷之一終

